

Fons Olei
WALPVRGINI
APVD EYSTETTENSES
EXPLICATVS ATQVE
DEFENSVS.

^A
JACOBO GRETSERO SOCIE-
TATIS JESV THEOLOGO.

^{Ad}
REVERENDISSIMVM ET
ILLVSTRISS.^{um} PRINCIPEM AC DO-
MINVM DN. JOANNEM CHRISTOPHORVM
EPISCOPVM EYSTETTENSEM, &c.

Accessit
Appendix recentium quorundam miraculorum qua Deus per
Oleum S. WALPVRGIS patrauit.



JNGOLSTADII,
Ex Typographeo Ederiano, apud ELISABETHAM
ANGERMARIAM, Viduam.
ANNO M. DC. XX.

W. A. T. 1917

1917

1917

1917

1917

1917

1917

1917

1917

1917

1917

1917

1917

1917

1917

1917

1917

1917

REVERENDIS-
SIMO ET ILLVSTRIS-
SIMO PRINCIPI AC DO-
MINO, DOMINO IOANNI
CHRISTOPHORO EPISCOPO
EYSTETTENSI, &c.

JACOBVS GRETSERVS.



Nter Græcos Patres, ILLVSTRIS-
SIME PRINCEPS, valdè claret
Theodoretus, vir doctissimus, Epi-
scopus Cyri; qui magnam luctam
suscepit cum Marcionitis, Magis & hæreticis, ab
antiquissimo heresiarcha Marcione Pontico no-
men hoc adeptis; quos intra suæ dioceseos limi-
tes nullo loco passus est consistere; sed aut ad Ca-
tholicam fidem redeundum, aut aliò eundum
fuit. Qua sua pastoralis cura tam dæmonum,
quàm eorum, quos nefarij spiritus miserè dece-
perant, odia in se concitavit, ita vt vitæ etiã ipsi-
us insidias struerent. *Execrandus Marcio mul-
tas spinas seminavit in regione urbis Cyri*, inquit
Theodoretus in historia religiosa cap. 21. quo
vitam & res gestas Iacobi sanctissimi Eremitæ de-
scribit.

scribit. *Eas cum conarer euellere radicitus, omnē laborem subibam, & omnibus machinis assidue utebar. Qui autē mea fruebantur cultura, cum me eo nomine deberent diligere, pro eo, ut propheticē dicā, detrahebant mihi: ego autem orabam, & reddebant mala pro bonis, & odium pro dilectione mea: & magicis utentes prestigijs, & malignorū freti ope demonū, conabantur bellum gerere quod sub visum non caderet: & noctu venit quidā demon exitialis, clamans, & lingua utens Syriaca: Cur tu bellum geris cum Marcione? Cur hanc pugnam aduersus eum suscipis? Quanam is te unquam affecit molestia? Desine belligerare, desiste à maleuolentia; aut disces experientia quantū bonum sit quies. Scias quod te iam pridem confodissem, nisi eorum martyrum te custodientem vidissem cum Iacobo.*

Subiungit Theodoretus. *Hac ego audiui, & dixi cui dā ex familiaribus, qui prope me dormiebat, Audis, inquam, quae dicuntur? ille vero, Omnia, inquit, audiui: & cum vellem surgere, & respicere & scire, quis loqueretur, tua causa quieui, cum te putarem quiescere. Ambo itaq; surgentes respeximus, neq; ullum qui moueretur vidimus, nec qui*

*qui loqueretur, audiuimus. Illa verba aly quoque
qui nobiscum habitabant, audiuerunt.*

Quid autē malus genius per CHORVM MARTYRV innuerit, his verbis explicat Theodoretus. *Intellexi, quod martyrum quidē chorum dicebat lecythum Olei Martyrum, qui cum à multis Martyribus collectam haberet benedictionē, pendebat à meo lecto: sub meo autē capite erat magni Iacobi vetus amictus, qui quouis claustro adamantino validior mihi fuit.* Theodoretus ergo contra veneficos & hæreticos fortissimè dimicans, oleo ex varijs Martyrum monumentis collecto, & à lectulo, in quo quietem capiebat, pensili, sanctique viri lacernâ, tanquàm pretiosissimo, vt vereerat, lipsano, se aduersus Tartareas molitiones communicbat.

Intelligit opinor, ILLVSTRISSIMA CELSITVDO VESTRA, quorsum tendam, quæ dira cum gente lamiarū & hæreseon tot annos iam bella gerens, non paruulâ olei sacri ampullâ, vt Theodoretus, sed integrum limpidumq; fontem tutelæ loco possidet, nempe eum, quem fluxus olei ex castissimis B. VV ALPVRGÆ Reliquijs efficit: Fontem verè diuinum, admirandū omniumq;

vocibus & calamis decantandū. Vice magni illius Iacobi, in quo Theodoretus prælia Dñi aduersus Marcionitas prælians, plurimū spei collocabat, sunt Diui, patriæ indigetes, VVILLIBALDVS, VVNIBALDVS, RICHARDVS, SOLA, SEBALDVS, & alij qui præcul dubio ILLVSTRISS. CELS. VESTRAM apud Altissimum precibus suis indefinenter adiuuant.

Et si quis hodie similis Anachoretæ Iacobo existeret, fortasse simile quid audiret eius, quod audiuit Iacobus: cum enim Theodoro periculossimo in loco certamen cum Marcionitis ingresso, Iacobus in somnis noctē integram precibus & lamentis impendisset: *audiui, inquit, vocem dicentē; ne timeas o Iacobe: Magnus enim Baptista (cuius Reliquias ex Palæstina Theodoretus sibi adferendas curauerat) tota nocte orat. DEVM vniversorū: facta enim fuisset magna cedes, nisi illius intercessionib. fuisset extincta diaboli audacia.*

Nec minus sollicitē à S. VVALPVRGA, S. VVILLIBALDO, S. VVNIBALDO, alijsq; domesticis Diuis ILLVSTRISS.^{am}. C. V.^{am} postulasse & impetrasse, & etiam num postulare & impetrare arbitror, quod Theodoretus à suo Iacobo postulauit & im-

DEDICATORIA.

& impetrauit: *Supplex ab eo contendebā, ut oraret DEVM vniuersorum, ut redderet mihi segetem mundā à zizanijs, & à seminibus hæreticis eam omnino liberaret: me enim valde angebat abominandi Marcionis error, qui plurimū inualuerat.* Erant autem Marcionistæ hæretici simul & Venefici, vt antea dictum; quorum machinas & tendiculas cœlestibus istis præfidijs, & amuletis Theodoretus amoliebatur, præsertim viceolo sacri olei; cuius loco CELS. VESTRÆ integer fons S. VVALPVRGIS concessus est; de quo, nescio qua ratione, cum non ita pridem Diuos Eystetten-ses in publicum darem, concisius, ne dicam ieiunius, quā decebat, à me disputatum est. Sed quod tunc omissum, id nunc refarcio, & quidem, nisi fallor, cum fœnore; cuius rei ipsam ILLVSTR.^{iam} CELS. V.^{iam} iudicem fero. Cui cum totum opus de Diuis Eystettensibus sacrum atq; dicatum sit; haud æquū est, vt hæc operis grandioris Appendix alterius patroni nomen præferat.

Quod C. V. non modo volente, sed & bene volente fieri persuasum habeo. Ingolstadij

VI. Calend. Aprilis Anno Redemptoris,

M. DC. XX.

DISSER-





DISSERTATIO DE OLEO S. WALPUR- GIS VIRGINIS APVD EYSTETTENSES

SEPULTÆ

CAPVT I.

Fluxum liquoris Walpurgini videri.

naturalem.



CONDITA sunt ipsa Beata Walpurgis Vir-
ginis Eystadij in summi altaris lapide duro, so-
lido, excavato, & supernè concluso, eo ipso lo-
co, quo à sacrificante sacerdote Corpus & San-
guis Domini immolatur, ita vt probabile sit, hanc tum-
bam fungi vice sepulchri, quale in omnibus aris conse-
cratis ex ipso consecrationis ritu & præscripto visitur.
Infra prædictum lapidem est cavitās seu foramen qua-
dratum, in quo destillat stillicidium de lapide superiore,
qui sacra Virginis ossa tenet. Videas guttas modo maio-
res, modo minores pisi aut nucis auellanae magnitudine
de lapide supino dependentes, quas omnes excipit late-
pateus argentea concha. Miraculis & rebus supra na-

monia

B

turæ

curæ vires fluxum hunc annumerari debere, communis est hominum persuasio, & paulò post luce clarius demonstrabitur.

Possent tamen fortassis Cardanus, aut Pomponatius aliquis existere, qui nihil hic supra naturæ facultatem, agnoscat, aut veneretur, idque propter hæc argumenta.

I. Quia liquor iste in foramine illo produci videtur, eo modo, quo in spelæis & cauernis producit aqua, vaporibus nimirum sursum attractis, & ad lapidem frigidum iterum frigefactis, & in aquam conuersis; aut eo modo, quo aër in vaporarijs & calentibus hypocauftis ad vitreas fenestras allisus, in aquam mutatur; & in æstate cantharos scyphosque frigido potu plenos, foris, hoc est, in superficie extima, guttis etiam defluentibus, vbertim manare videmus. Cur? nisi quia calidus aër hostili frigore constrictus, & ad metallum adhærescens, in aquam abit?

II. Forsan lapis, qui Sanctæ Walpurgis conditorium est, ea constat materia, ut certis temporibus sudet? Esse enim huius generis lapides, in Hodeporicis Hierosolymitanis proditum legimus. Et Vitruuius prohibet ædificio materiam emari adhiberi, eò quod semper madeat.

III. Quomodo liquor ex sacro Virginis corpore emanans, lapidem minime porosum, aut spongiosum, sed durum & solidum penetraret? Num aduersus naturæ leges duo corpora in eodem loco collocabimus?

IV. Sudatio illa seu generatio liquoris non tantum fit in lapide, cui impositum est corpus; sed & in laminis argenteis, quibus teguntur parietes, qui lapidem sustinent; item in ianua argentea interiore, & in ianua ferrea extrema. Quapropter credere non nemo posset, sudationem

tionem & liquefactionem istam, habere naturalem originem ex antri vaporositate & vaporum exhalatione, quos madens humus fortè exhalat & suggerit: qui deinde condensati per appulsionem ad corpora frigida, ut sunt lapis & laminæ, simul cum portulis; in aquam resoluantur.

V. Nihil de hoc liquore ex ossibus S. Walpurgæ fluente traditum est, cum S. Walpurga adhuc Heidenheimij conderetur. Magna etiam pars Reliquiarum eiusdem Virginis Monheimium venit, ut ex Wolfhardo Hasenrietano liquet, & tamen nulla olei ex Reliquijs illis manantis uspiam mentio est; cum alioqui plurima & testatissima quotidie propemodùm miracula ederentur, quæ idem Wolfhardus quatuor libris exequitur.

VI. Compertum non est, quando Eystadij, postquàm Virginis ipsa eo translata sunt, liquor iste manare coepit; & ex ipsdem Reliquijs Furnos in Flandriam pars non modica venit, nec tamen Belgici scriptores quidquam de oleo inde profluente memorant.

Hæc præcipua sunt argumenta, quibus audaculus quispiam, & parum consideratus fluxum Walpurgini liquoris in ordinem rerum naturalium cogere posset; vel saltem tentare, ut cogeret. sed irritò conatu, ut iam videbimus.

—(o)—



CAPITULUM II.

*Liquorem S. Walpurgis non esse naturalem,
probat inde, quia medetur va-
rijs morbis.*

Tom. 4.
Antiq. lect.
D. Canisii.

DE Virgineis Walpurgæ membris, maxime tamen de pe-
toralibus, inquit Philippus Eystettensis Episco-
pus in vita S. Walpurgæ, sacrum emanat oleum,
quod gratia DEI, & intercessionem B. Walpurgæ Virgi-
nis cæcos illuminat, surdos audire facit, & gressum claudis reddit,
cunctisque debilibus optatum effectum de vultu patentibus misericor-
diter indulget. Innotetibus suis summi liberos quoque sibi nequaquam

Quam etiam gratiam curationis ipse experiri sumus. Nam gra-
ui infirmitate egrotantes ad excidium vite peruenimus, & reme-
morantes gratiam, quam B. Walpurgis suis dilectoribus indefinenter
ostendit, precepimus de oleo sacrosanctæ suæ emanationis nobis
copiosius offerri, & desiderabili hauritu pibaliare plenam ebibimus,
orantes in hæc verba: O Beata Walpurgis Virgo, ob reverentiam
B. Willibaldi, fratris tui dilectissimi, cuius successor indignus sum
ego Philippus peccator, interpella pro me ad Dominum pro conditio-
ne peccatorum meorum, & ut respirare à gravamine huius agri-
tudinis, ad laudem DEI omnipotentis, & intermergetur Materis eius
Virginis MARIE. Utrumque plura eadem die * creticavimus, &
breui post in tempore sanitati omnimodè restituti sumus.

* creticum
dicitur ha-
bitum.
Edidit D.
Stewart.

In alia vita eiusdem Divæ, quæ est quasi compendi-
um Philippicæ historiæ: De quibus (Reliquijs) mirabiliter
DEO cooperante, & quæ in hodiernum diem, manat sacrum oleum,
seu stillicidium, in signum castitatis, & maxime tempore, quo in eo-
dem altari sacrum Eucharistia conficitur Sacramentum. Quod qui-
dem stillicidium agris & pregnantibus dignè sumentibus per maxi-
mam pra-

ma prestat sanitatis augmentum. Cuius rei gratiâ singulis annis in die Sancti Marci necnon * in die canonizationis Sancti VValpurgis, Episcopo Eystettensi, & Canonicis, haud non Sacerdotibus & Clericis processionaliter in eadem parochiali Ecclesia Sancti VValpurgis conuenientibus ad diuinum officium deuote peragendum, sumendum porrigitur in remedium tam corporis quam animæ.

An liquor iste, si nil nisi mera & naturalis aqua foret, cæcis lumen, surdis auditum, claudis gressum, alijsque ægrotis optatam sanitatem impertiret? An Clerus & alij statis diebus singulari pietatis affectu liquorem hunc bibissent, si nil aliud fuisset, quàm aqua ex vaporibus generata?

CAPVT III.

Idem tribus alijs rationibus ostenditur.

L E V M hoc maxime fluit, quando à Sacerdote Eucharistia in altari conficitur, & populo adoranda proponitur. Hoc quoque sciendum, inquit Philippus, quod hora celebrationis Missarum cum Sacramentum Corporis & Sanguinis IESV Christi in altari conficitur, in quo recondita est, frequentius necnon uberius oleum de sacro corpore eius distillat. Vnde hac hora pro receptione eiusdem olei diligentissime obseruatur. An hoc naturali fluxui aquæ congruat?

Deinde oleum hoc euanescit, nisi reuerentur habeatur; nec defluit; nisi vasculo mundo & decenti excipiat. Ipsa quoque, oleum, inquit Epitome Philippicæ historia, seu stillicidium prædictum, si ab aliquo portatum, vel tentum in vase fuerit irreuerenter tractatum, aut quid inhonestum circa illud perpetratum, euanescit. Quod pluribus per experientiam claruit, & nostris temporibus edoctum est. Quare summa cum reuerentia seruandum, & in loco sacro conseruandum locatur.

Siphiala, in quibus sacrum oleum recipiendum est, inquit Philippus, non directè vel perpendiculariter destillationi supponantur, gutta eiusdem olei sic cohaerent dependentes, ad modum botri vel faui mellis, nequaquam in alium locum decedentes, sed postquam negligentia corrigitur, & vasa, in quibus mundè sacrum oleum recipi debet, destillationi aptantur, eisdem sine omni cooperatione illabatur. per quod apertè monstratur, ut in vasa munda recipi debeat, quia ab immundis locis vel vasis omnino se præséruat.

Et saepe compertum est, quod receptum in vase mundo, si immandè vel irreuerenter teneatur, vel ad locum, ubi peccati illecebra perpetrari consueverunt deportetur, omnino euanesceat, vel orificium vasis ipsum oleum nequaquam ad effectum sanationis egreditur. An hæc naturæ facultatem non excedunt?

Cum ciuitas Eyslettenensis interdicto Ecclesiastico mulctata fuisset, sacer iste fons exaruit. Certa relatione fide dignorum intelleximus (verba Philippi recito) quod ciuitas Eyslettenensis una cum tota diœcesi, Ecclesiastico interdicto quodam tempore supposita fuerat, propter quasdam damnosas iniurias, quas Episcopus, qui tunc præerat, à baronibus terra & incolis sustinuit. Ex tunc liquor sacre emanationis stillare cessauit, usque in diem, qua Ecclesia restituta esset indemnitati. Et idem venerabilis Episcopus cum vniuersitate ciuitatis indicto ieiunio nudipes, & absque lincis ad monasterium B.VV. alpurgis ascendit, deuotè ac subnixè cum vniuersitate populû sui supplicans, ne effectum tanta benignitatis, sicut est emanatio sacri liquoris, in amplius ciuitas priuaretur. Et accedens ad altare dictus Pontifex, Missarum solemnia, astante populo deuotè peregit, & in confectiione Sacramenti, & eiusdem perceptione sacratissimus liquor, qui intra spatium vnius anni nequaquam destillauerat, nec ullo modo se ostenderat, adeo abunde erupit, ut ampulla dimidia pince capacitatis, vel vnius ferici adimpleretur. Quod Pontifex videns cum plebe DEO deuota, plusquam narrari potest gaudio repletus,

pletus, immensus gratiarum actiones DEO ac B.VV. Walpurgæ pro concessione tanti beneficij persoluit. Hæc Philippus.

Audi nunc Henricum Rebdorffensem in Annalibus. Anno M. CCC. LVIII. Dominica in medio Quadragesimæ, quæ fuit 21. Kal. Aprilis, fures de nocte intraverunt Monasterium S. Walpurgis Eystettensis, & cum Campanarius eiusdē tardē intraret ad deponendum se in loco, irruunt fures in ipsum, velat à facie volentes eum occidere; qui se defendit. Fuit in Monasterio graviter vulneratus: propter quod stillicidium, de Reliquijs B. Walpurgis consuetum manare cessavit per quatuor septimanas, vel circà, & post octavas Paschæ, appropinquante festo eiusdē Virginis, manavit ut ante. An fons Almonis, seu Altimylæ exaruit, quando ciuitas Eystettensis Ecclesiastico interdicto subiacebat? An origines & scatebræ aliorum fontium Eystettensium quicquam damni propter interdictum acceperunt? Cur solus iste Walpurginus fons aut interdictum, aut sceleratorum hominum nefariam inuasionem luere debuit; si iisdem, quibus alij legibus tenetur? Perspicuum ergo relinquitur, hic digitum DEI esse, & grandius quid, quàm ut virtute naturali præstari queat.

Cæterum quæ de S. Walpurga in summo altari sepulta, deque oleo copiosius manante, quando Eucharistia, conficitur, scripsimus, reuocant mihi in memoriam, quæ de alia Gualpurgæ Oddo Abbas Cluniacensis litteris prodidit lib. 2. Collationum cap. 28. Est Ecclesia Beate Gualburgis in hac vicina nobis regione, in qua miracula sunt. Contigit autem, sicut Dominus Beruo Abbas refert, ut eiusdē sanctæ Gualburgis Reliquia super altare per aliquot dies manerent. Sed mox miracula cessauerunt. Tandem verò ipsa Virgo cuidam ex infirmis apparsit, idcirco, inquit, non sanamini, quia Reliquia mea sunt super altare Domini, ubi maiestas diuini mysterij debet solummodo celebrari. Quod

ri. Quod cum ille custodibus referret, tulerunt capsam, & protinus miracula fieri cœperunt. Si ergo, subiungit Oddo, ob illius mysterij reuerentiam nec ipsa sua pignora Sancti volunt propius vicinari, quid censendum est de immunditijs?

Hæc si de nostra, siue de alia Walpurga, quod mihi fit verisimilius, intelligantur, non obstant nobis, quia Deus est mirabilis in Sanctis suis, & quod vno in loco propter certas causas, tamen si semper sibi notas, nobis autem sapius incognitas, fieri prohibet, id alibi iustissime fieri permittit. Miracula igitur ad Gualburgæ Virginis Lipsana edi consueta, ideo forte postquâ in altari posita sunt, desierunt, quia periculum erat, ne homines ex simplicitate & ruditate pluris Reliquias æstimarent, quam sacrosanctum illud mysterium, cui tractando altare dicatum est. Jam adeo vsitatum est Lipsana esse in altaribus, vt nullum altare sine Duorum Reliquijs consecratur; vt taceam illas, quæ preciosis & speciosis thecis inclusæ palam in altaribus spectandæ & colendæ proponuntur.

Porro vitam D. Walpurgis iam aliquoties à nobis citatam & laudatam, & sapius adhuc citandam scripsit Philippus XXXIX. Episcopus Eystetensis, rogatus Agnetis, quæ fuit filia Alberti Cæsaris, vxor Andree cognomento Veneti, Regis Hungariæ, ex hac vita Anno 1301. euocati: post cuius mortem Agnes soli Deo viuere statuit, exstructo cum matre Elisabetha, vxore Alberti, Monasterio in Ergouia, quod Rânigefeld; hoc est, *campus regius* appellatur: eo ipso in loco, vbi Albertus Cæsar cruculentissime à nefarijs sicarijs interfectus fuerat.

De quo cœnobio hæc Felix Fabri, origine quidem Thuricensis, seu vt hodie loquuntur, Tigurinus, sed diu-

turina

turna habitatione, Vlmensis. Relicta vxor occisi Regis Domina Elisabeth filia Comitis de Tirolis, in loco interfectionis viri sui, incipit construere Monasterium Monialium, & altare summum in eo loco posuit, in quo expirauit. Interea Rex Vngaria etiam obiit, cuius vxor Domina Agnes prædicti Regis Alberti filia in patriam propriam reuersa, in constructione Monasterij prædicti coadiutrix fuit; sicque in viduitate sancta amba manserunt, & Moniales S. Clara in constructum Monasterium posuerunt, & pro seipsis habitacula annexa edificauerunt; sed & pro duodecim fratribus Minoribus locum edificauerunt iuxta Monasterium, & tam pro sororibus, quam pro fratribus prouisionem copiosam in temporalibus fecerunt. Fundatio Monasterij illius facta fuit Anno 1308. in loco interfectionis Regis, in campo qui dicitur Campus Regis, vulgariter **Rüdigesfeld** sub castro Habsburg, ubi hodie seruiunt DEO.

Narrat deinde, quomodo eadem Regina Agnes ædificauerit amplum Monasterium. Virginum Regulam D. Dominici profitentium, sub castro Kyburg prope oppidum Wintertur, & in ipso castro Capellam propter Imperiales Reliquias, quæ aliquando Kyburgi asseruabantur. Hæc annotare volui, vt scires, qualis & quantæ dignitatis & sanctitatis fuerit Agnes, quæ vitam B. Walpurgis cognoscere auida, à Philippo precibus obtinuit, vt eam ex antiquis monumentis colligeret.

ac reconcinnaret.

os(o)s



C

CAPVT

CAPVT IV.

*Liquorem Walpurginum non esse à naturali
causa, ostenditur ex eius ad multos annos
duratone, limpidissima clarita-
te, & aliunde.*



Notandum, inquit Philippus, quod etiam idem sa-
crum oleum tanta mundicie ac meracitatis existit, ut
sine omni corruptione, & fœda maculationis seculen-
tiaper ducentos annos seruatum consimili puritati
inuenitur cum illo, quod hodierno die de stillicidio eiusdem sacra-
mentationis susceptum est. Eadem idem Philippus in Com-
mentario de S. Willibaldo: Num hæc compertunt aquæ
naturalis, & ex euaporationibus nata? multo

Vidimus in libris de Benedictionibus, etiam aquam
solemni Ecclesiæ ritu consecratam, & aquam Iordanis
fluij annare, perennare, hoc est, plurimos annos absque
contagionis macula ferre; sed perennitas hæc non est il-
lis à natura; sed à benedictione, & à sanctificatione, quæ
Iordanis Aquæ; Christi in eas descensu & baptismo; con-
secrata sunt: Si quid vel aquæ, vel olei alibi eadem gratiâ
donarum est, id semper ad cœlestes causas reduci debe-
bit; non ad istas terrestres, certis agendi legibus adstri-
ctas. Nec exiguum momentū in eo est, quod hoc oleum
non semper stillat, sed hyberno duntaxat tempore, à 12.
Octobris, hoc est à festo Translationis S. Walpurgis, vsque
ad 15. Februarij, quod die B. Virgo ad immortalem vitam
migravit. Quamuis boni ominis loco habeatur, si stilla-
tio vltra hunc terminum proferatur, prout hoc anno Do-
mini

mini M. DC. XX. prolatam esse ex Reuerendissimo Domino *Georgio*, Suffraganeo Eystettensi intelleximus, de quo paulo post iterum.

Quæ ratio naturalis hic apparet, quod liquor iste ab vno festo Virginis ad alterum manat? Dicat quis: etiam, hanc esse quorundam lapidum indolem, vt non nisi certis anni temporibus sudent ac rorent.

Respondeo, vt hoc ita sit; tamen huc non quadrat; quia lapis ille non est exoticus, & peregrinus; sed domesticus, quales nimirum in montibus Eystadianis nasci solent. vbi nullus haecenus vel erutus vel visus, qui à festo Virginis ad alterum eiusdem festum oleo incolas directe acbeet; licet fluxus ille hos limites inuiolabiliter non obseruet; nam vt ex *Henrici Rebdorffensis Annalibus* liquet, Anno 1358. etiam XI. Kalend. Aprilis, hoc est, 20 Martij, & postea eisdem, fluor iste ex sacris Lipsanis stillabat. Subtrahelipsana Virginea lapidi, vbi oleum erit?

Placet hic vsurpare elegans epigramma, quod Nouariæ tumulo S. Laurentij, & puerorum Martyrum, ex quorum ossibus oleum fluit, adscriptum est.

Aspicias hoc marmor tumuli de more cauatum

Id solidum est intus, rima nec vlla patet.

Vnde queat tellus occultas mittere lymphas,

Manat ab ingestis ossibus iste liquor.

Si dubitas, medio sudantes tolle sepulchro

Reliquias, dices: Vnda salubris vbi est?

Hic planè idem canere licet. Tolle de sepulchro Virgineas S. Walpurgis Reliquias; & mox quæres:

Vnda salubris vbi est? Si Nouariæ per solidum marmor oleum fluit & penetrat, cur hic ad sepulchrum Walpurginum hæsitās?

A. 2. J

C 2

Quam

Quàm verò mirabile illud? Adstet quis, quandiu velit, oculos intendant, & diligentissime attendat; nunquam tamen guttulę alicuius casum aduertet; quantum uis prægnans & matura casui sit. An hoc fit ijs in locis, ubi natura aquam siue ex aëre immediatè, siue mediatè ex vaporibus progenerat? An nullus vnquam vidit in antro stil-las ex superiore parte, aut in vaporarijs ex fenestris, aut æstate ex poculis frigidâ plenîs decidentes? Nemo non uidisse potuit; qui oculos habuit, & videre voluit. Nihil ergo hic naturale; sed omnia supra naturâ leges peraguntur.

Nec digni sunt, quibus aures præbeantur, si qui querant; quomodo ex aridis & ex succis ossibus liquor tot annorum spatio manare queat? Isti eadem oris libertate sciscitentur; quomodo ex mandibula asini Samsoni siti-enti salutaris porus, aut ex rupe virga Moysis percussa, uberrimi fontes populo Israëlitico profluere potuerint. Miracula non essent id, quod nominantur, si naturâ finibus & legibus includerentur, & circumscriberentur.

C A P V T V.

*Exempla aliorum Sanctorum, ex quorum Reli-
quys oleum seu liquor oleosus aut un-
guentosus fuit.*



NOMINA tantum edam. Vberiore catalogum inueniet lector in Notationibus D. Steuartij ad vitam S. Walpurgis. Sunt ergo sequentes Diui, eodem, quo D. Walpurga dono à DEO exornati.

I. S. An-

I. S. Andreas Apostolus. II. S. Nicolaus Myrensis Episcopus. III. S. Theodorus Trichinas. IV. S. Demetrius Martyr Thessalonicensis. V. S. Euthymius Abbas. VI. S. Becharius Abbas. VII. S. Sampson. VIII. S. Eligius. IX. S. Ioannes Eleemosynarius. X. S. Quirinus Tegernseensis. XI. S. Laurentius, & pueri Martyres, quos educandos susceperat. XII. Quatuor milites Martyres ad Melitenem Armeniæ, de quibus Procopius lib. 1. de ædificijs Iustiniani. XIII. Iuuenis quidam Ægyptius, de quo Menæum Græcicum 2. die Decembris. XIV. S. Matthæus Apostolus & Euangelista, teste Marfilio Columna Archiepiscopo Salernitano in libro de vita & rebus gestis S. Matthæi. XV. S. Felix Nolanus. XVI. Gundackarus Episcopus Eystettensis, teste Philippo in S. Walpurgæ vita. Plures non adfero, non quia plures non sint, sed quia plures mihi non sunt comperti. Non dubito lectionem Græcorum & Latinorum monumentorum lectori plures suppeditaturam.

Ex femineo sexu occurrit I. S. Catharina. II. S. Hermione filia Philippi Diaconi. III. S. Elisabetha Landgrauia Hassiæ. IV. S. Hedyvigis Poloniæ Ducissa. V. S. Euphemia Martyr. VI. S. Agnes Politiana in Tuscia, ex cuius exanimis corpore integra ampulla plena oleo fluxit, quod oleum adhuc Reliquiarum loco cum ipsa ampulla asseruatur.

De S. Euphemia hæc litteris tradidit Theophylactus Simocatus lib. 8. historiæ Mauricianæ cap. 14. *Chalcedon urbs est ad ostium Ponti sita, ex aduerso Byzantiæ. In ea templum est S. Euphemie martyris, ubi eiusdem sacratissimum corpus in arca asseruari, inde à maioribus ad nos fama peruenit. In annos porro singulos, die quo martyrium obiit, res maxime admiranda editur, &*

ut breuiter dicam, ijs qui non viderunt, minime credibilis, propter diuini illius operis excellentiam. Nam cum eius corpus iam annis quadringentis in monumento iaceat, die tamen, de quo dicebamus, in conspectu omnium, loci Episcopus, spongijs a corpore mortuo plurimum sanguinis colligit. Videas non secus quam è recens occiso corpore, vulnerum tabo commissam erumpere vim sanguinum, unguenta, nulla arte comparata redolentium, & per vascula vitrea ab eodem aduentantibus distribui.

Mauritium igitur duodecimum iam annum imperantem, subit imbellis & ignaua quædam circæres diuinas cogitatio, extenuatque & reijcit tam insigne miraculum, & mysterium hoc fallacium hominum commentum esse asserit. Ornamentis igitur argenteis sepulchrum nudat, & obseignat, id quod incredulitatis audacia postulabat. Vbi statim dies affuit, arcum exploratur: in mysterium inquiritur; miraculum probatur; scilicet martyr sue virtutis hoc admirando opere testis omni exceptione maior, iterumque sanguine unguentifero meatibus corporis per monumentum, instar fontium fluit, & scaturit emissionibus mysterium, odoreque cruoris suauiter spirantis spongia imbuntur. Eum fluxum tum martyr adauxit. **DEVS** enim, quamuis illi non credatur, non tamen hominibus cognitionem sue virtutis & bonitatis inuidet. Atque ita martyr incredulitatem Imperatoris sapere docuit: qui sanguinis emanationibus lacrymarum effusiones remisit: & fluentibus unguentis imbres oculorum suorum rependit; mirabilis, inquit, **DEVS** in sanctis suis.

Plura Euagrius l. 2. Hist. Eccles. cap. 3. scribit, & post eum Nicephorus l. 1. c. 3. cuius verba adscribam. Quæ olim Martyr (Euphemia) ediderit miracula Christianis omnibus constat. Loci namque eius persæpe Episcopum, in somnis sese ei exhibens, aut alium etiam quenpiam præclare vitam agentem, obiter templum eius ingressum, ut miraculorum talium fructum perciperent, est cohortata. Quod ubi in urbe Constantinopolitana innotuit,

universa eo populi turba sunt profecta: ipse etiam Imperator, & qui sacras ecclesiarum habenas regunt, quique honores & magistratus alios in republica gerunt, ut quæ ibi peragerentur, viderent. Atque etiam inspectantibus omnibus, Episcopus Constantinopolitanus cum sacerdotibus suis templum id, ubi martyris eius corpus repositum est, visit.

In tumuli laevo latere fenestella quædam admiranda est, operculo quàm maxime obfirmata, per quod ferramentum longiusculum, cui in extrema parte sponsia alligata esset, immittebant, sponsiamque ipsam in sacrosanctis martyris reliquijs obvolutam, sanguineque guttis cruore illius delibutis refertam extrahabant. Hanc vbe plebs conspexit, homines statim in terram inclinati, vociferatione maxima DEVM bonorabant, miraculo eo stupefacti manus sustollebant. Tantius autem inde profluxit ubertim humor, ut non solum Imperatores & Episcopi, populusque qui ibi congregari solitus fuit, affatim ea perfruerentur, verumetiam quocumque quis vellet lacorum de eo aliquid secum auferret. Neque gutta tempore ipso defecere, neque diuinus ille sanguis aliqua ex parte mutatus est, sed semper colorem suum summe rubrum conseruauit.

Facta hæc non certo aliquo temporis curriculo, sed pro eo atque Episcopi ipsius vitæ morumque sanctitas ferret. Sic enim fertur, cum is qui Ecclesiam gubernaret, præclare viueret, & virtute exornatus esset, frequentius hoc miraculum exhibitum esse. Cum autem antistes sacrorum talis non esset, rarius eam rem tam admirandam, nec tam facile à martyre processisse. Hoc si factum esse non.

Ceterùm quod neque dies, neque tempus ullum intercipit, sed perpetuo omnibus fidelibus simul & infidelibus affluit & accedit, id nunc dicam. Si quis in sacrarium id, ubi tumulus, & sanctæ martyris reliquie perinde atque thesaurus nunc repositæ sunt, veniat, odor immensus, & natura captum, odoreque omnes, quos ars humana conficit, supergredient, ad eum perfertur. Eum siquidem, qui ex

prato

prato versicolore colligitur, longe superatis neq; alieni eorum similis est, qui ex benivolentissimis rebus profuit. Tum autem neq; ei par est, quem unguentarius odoribus suauibus ad certum modum temperatis misceat; verum multis modis, qui inde redditur præstantior est, vna & potestatem eius à qua redundat, declarans.

Quæ de fragrantia gratissimi odoris Nicephorus post Euagrium commemorat, non sunt dissimilia illis, quæ in Epitome vitæ Walpurginæ leguntur cap. 10. cum sancta Virgo Heidenheimio Eystadium deportaretur. Cum autem venerabile corpus supradietæ Virginis de loco sepultura sue supra terram est collocatum, omnia membra eius quasi rore perfusa, cunctis apparuerunt: fragrantia nihilominus inastimabilis ac mirifici odoris omnes qui aderant, senserunt, ac infirmi, qui pro eo tempore præsentés fuerant, quocunque dolore tenebantur, salubritate suauitatis tam recreantini odoris curati sunt.

Agmen claudat S. Glyceria Martyr Heracleæ, de qua Simocatus sequentia lib. 1. c. 11. Eodem anno Paulinus quidam, cuius haud obscurus, & doctrina liberali instructissimus, qui animam suam in baratrum prestigiæ, incantationumq; demerferat, deprehenditur. Modus quo sceleris huius compertus est, plurimum admirationis habet, quem exponemus. Erat venefico huius peluicula ex argento, cæ hostiarum, quas demonibus sacrificabat, sanguinem excipere solebat, quoties eorum colloquio vti liberet. Hanc pretio vendit argentarijs; emptam illi præforibus domuncula sua venalem proponunt. Eo ipso tempore Antistiti Heracleæ (quæ olim dicta est Perintus) Byzantijs commorari necesse erat. Is venditionis causâ suspensam malefici peluicæ conspiciat, eam percipide mercatur, & ad sedem suam reuertitur. Quia vero diuinitus stilians unguentum, siue oleum de ossibus S. Glyceria martyris ante petris etiamnum excipiebat, Episcopus rei tam veneranda reuerentiâ contactus vascula commutat, & à cultu sacratissimo animum remo-

uens,

uens, argenteum cœlesti stillicidio supponit. Ex eo operum mirandorum riuus desinit; fons gratiæ euanesceat; non prodit publicitus vim suam martyr; beneficium retrahit; donum aufert; sibiq, legem indicit, propter detestandum excipulum unguento in posterum non scaturire. Sane quod purum est, non debet impurum contingere: ut aliquid externæ eruditionis narrationi commodè interferam.

Hoc cum diebus compluribus euenisset, calamitatemque rumor per ciuitatem dissipasset, Episcopus se se in luctum dat, & quod fiebat lamentatur: effectorum supra naturam interruptionem deplorat; donum reposit; detrimentum non sustinet; causam indagat; dedecus indignatur; Ecclesiæ, re tam admirabili viduata, vitam sibi vitalem non putat. Igitur ieiunia, & comprecationes instituuntur; profunduntur lacrymæ; ducuntur gemitus; tota noctes in DEO suppliciter rogando ponuntur; coniungunturq, omnia, quæ iram eius conuertere in misericordiam possunt. Cum itaque DEVS & execrandum illud scelus iure auersaretur, & ignorantiam iuste miseraretur, Episcopum de abominandis sacris in pelui illa sceleris per quietem monet. Ille nil moratus, peluim argenteam templo subducit, illatamq, in medium æneam, perinde ut castam, & antiquam famulam, & virginem aliquam incorruptam pro execranda præstigiatrice venerabili monumento rursum subiicit. Statim sese miracula denuo effundunt, oleum depluit, beneficium scaturit, donum profluit, lacryma inbibentur, luctus præciditur, tristitia fugatur, piaculumq, detestabile, perinde ut in columna incisum cognoscitur ab omnibus, & peluis æneæ postliminio gloriam suam recuperat. Paratus est enim DEVS tribuere misericordiam piè supplicantibus.

Episcopus in urbem imperialem reuersus, venditoreq, peluis illius ab argentarijs exquisito, & inuento, ad Ioannem Patriarcham adit; rem totam à capite arcessens ei commemorat. Patriarcha exclamare indignum facinus, auresq, auertere; è vestigio in palatium abire; & sibi cognita Imperatori nunciare, qui maleficum corre-

D

prum

pium debitis panis affecit. Eadem ferme ex Simocato Nicephorus lib. 18. cap. 32.

Hæc de *ἐλαιόφορος*, & vnguentiferis Diuis adferre volumus, vt cogitatio seu suspicio de naturali causâ olei Walpurgini ab omnium pectoribus, quam maximè procul pellatur. Si enim nullus sanæ mentis tam audax & tam sciolus est; quî fluxum olei seu vnguenti seu liquoris in omnibus iam commemoratis Cælitibus ad causas naturales reuocet, cur in solo S. Walpurgis oleo intempestivè ingeniosus esse cupit? Si tamen hoc ingenij est, non potius stuporis, aut supinæ stoliditatis?

Obserua autem quam pulchre oleum S. Glyceriæ cum Walpurgino nostro conueniat. Illud nefariam & magicarum superstitionum consciam concham fugit, eaque supposita cursum suum stitit; nostrum quoque non depluit & defluit, nisi subiecto decenti vasculo, &, vt sic loquar, *excipulo*. vt supra vidimus.

In Menologio Græcorum, quod Card. Sirlerus olim ex Græco in Latinum sermonem transtulit; fit Martyris cuiusdam die 13. Iulij talis commemoratio. *Sanctæ Martyris Myropis, temporibus Decij Imperatoris, quæ primum habitauit in Insula Chio, postea verò ad Ephesorum urbem profecta, religiosè admodum hauriebat vnguenta ex sanctorum Martyrum corporibus profluentia, ex quo & nomen sortita est, nimirum à myro seu vnguento.*

De eadem S. Myrope die 3. Decembris idem Menologium. *Hæc, mortuo patre, baptizata incumbens ad monumentum S. Hermiones vnus ex filiabus S. Philippi, vnguentum ex sepulchro Martyris suscipiebat, idque omnibus abunde tribuebat; Ex quo & ipsa nomen est adeptæ, Myrope dicta. Eadem in Menæo Græcanico, sed die secundo Decembris, addito hoc disticho.*

Μύρο

CC

Μύρο

Μύρον μυστή τῷ Θεωτῇ προσήχθη,

Τῷ εὐωδίας τῆς αὐτῆς μυρίσσει.

Vnguentum, ὃ Myrope, Domino facta es

Sua uolentia sua te perungens.

Myropes ergo nomen hæc Sancta Martyr inuenit, quòd Martyrum & aliorum calicium cumulis vnguentiferis & elæophoris assidere, oleumque piè colligere, collectumque pijs distribuere soleret.

CAPVT VI

Satisfit argumentis in initio propositis.



Mo iam plerisque satisfactum est; iam enim ruit primum & secundum de vaporibus, & euaporationibus, & de allisu aëris ad lapidem superum, tanquam ad valde frigidum. Vappa fuerit, qui mirum hoc vaporibus adscripserit, præcipue post tot allata in contrarium argumenta, & testimonia. Et quomodo ex vaporibus aut aëre liquor ille oleosus, seu oleum nasceretur? Vapor aut aër calens in frigida impactus non vertitur in oleum, sed in aquam; nec aqua est liquor noster, sed oleum, vel certè oleosæ substantiæ. Quomodo igitur vaporis aut aëris frigefacti proles est? Infundat, qui volet, oleum hoc aquæ, an non supernatare videbit? Gustet, an non olei saporem sentiet? Philippus certè XXXIX. Eystettensis Episcopus, qui haustu huius olei grauisissimum morbum depulit; sic historiam de S. Walpurga Virgine concludit.

Nunc videamus, quid sibi vult per significationem emanatio sacri olei in B. VValpurga, vel alijs Sanctis, puta in B. Nicolao, vel B. Katharina, vel glorioso Gundakaro Pontifice nostro, vel quibus-

cung, Sanctis, quibus concessum est ex speciali prerogativa meritum, & ostensione magnitudinis premiorum. Juxta quod sciendum, quod oleum cuicunque liquori infusum supernat at, unde misericordiam ex similitudine designat. Superexaltat enim misericordia iudicium. Et item: Misericordia eius super omnia opera eius. Oleum nihilominus magna est leuitatis, & multa utilitatis; nam illuminat, pascit, & sanat. Sic pietas secundum B. Apostolum ad multa proficiendo valet, habet enim promissionem vitæ, quæ nunc est, & vitæ future. Hinc etiam est quod oleum cordialem pietatem suæ proprietate exprimit, & ideo de Sanctorum corporibus sacri olei emanatio plenitudinem exuberantis misericordiae, ac redundantiam viscerosæ pietatis, ac lenitatem mititatis præstendendo figurat.

Fuerunt namque hi Sancti, qui habent scaturiginem emanationis sacri olei, misericordissimi ac piissimi in vita, & ideo misericordiam consecuti per signa misericordiae & pietatis hominibus post mortem laudabiliter innotescunt. Sic B. VV. Valpurgis Virgo, tanquam oliua in domo Domini fructuosa, & quasi oliua in campis Ecclesiae speciosa per oleum effusum dilatavit nomen suum. Riualo enim suæ sacra emanationis notitia sanctitatis eius deriuata est in fines terræ. Oleo misericordiae & pietatis illuminans cacos, spiritualiter & corporaliter pascens esurientes in bonis per affectum sancti desiderij, ac corpore sauciato sanans, contritis corde medetur, Amen.

Philippus ergo liquorem istum non aquæ, sed oleo accensuit.

Ad tertium argumentum de penetratione, Respondeo, forsan lapidem porosum esse, per cuius poros seu meatus oleum ex sacris ossibus decurrat. Et ut lapis huiusmodi meatibus careat; quid mirum, si miraculum miraculo iungamus; hoc est, si fluxui liquoris oleosi ex aridis

aridis ossibus S. Walpurgis penetrationem duorum corporum adiungamus; quam DEO possibilem esse, docuit nos Christi Domini ex clauso Virginis utero natiuitas; & resurrectio ex clauso sepulchro; & post resurrectionem clausis ianuis ad discipulos ingressus. Nec ratio refragatur; loquor autem de illa ratione, quæ rationis capax, & rationes percipere ac perpendere gnara sit. Nam sunt qui ratione præditos sese existiment, & tamen nulli penitus rationi cedant; quorum ratio potius *irratio* mihi videtur, quos non tam in animalium rationalium, quam in *irrationalium* numero deputandos censeo.

Ad quartum respondeo, non mirum, si guttulæ in lateralibus laminis argenteis aliquândo appareant; id enim fit ex percussu stillicidij: notum enim est, cum liquor aliquis decidit, eum casu suo etiam vicina tangere, tingere, & adspargere. Idem iudicium esto de ianua argentea interiore; seu de interiore ianux superficie. De ferrea portula extrema, seu de interiore eius superficie, maior est difficultas; non enim apparet, quomodo per argenteam ianuam ad intimam ferreæ portulæ superficiem guttulæ deueniant; nam ex superiore lapide decidere non possunt, cum quidquid eius stillat; argenteâ conchâ circumscriptum sit; ita ut quidquid defluit, in argenteum receptaculum decadat. Verum quia in miraculi tractatione versamur, mirum non erit, si hic aliud miraculum agnoscamus, dicamusque DE I, & B. Walpurgis virtute guttulas nonnullas in prædictis locis conspici: nam si liquor iste ex vaporibus est, cur non extrema etiam superficies argenteæ ianux ipsidem repletur? Cur ipsa superficies interior ferreæ portæ non magis mader? cui interdum pauculæ guttulæ adhærescunt; quæ paucitas non

esset, si a vapore essent; omnia, ut alibi in antris valde vaporosis, madefacta cernerentur.

Ad quintum argumentum Respondeo: mirum non fuisse, si dum B. Walpurgis Heidenheimij condita est, oleum ex ossibus eius non manauit: quia in terra tumulata fuerat. Et tamen ubi eius sacra lipsana effossa sunt, madefacta apparuerunt: ita enim Philippicæ historiæ Epitome. *Cum Heidenheimij venerabile corpus supradictæ Virginis de loco sepulture suæ supra terram est collocatum; omnia membra eius quasi rore perfusa cunctis apparuerunt. fragrantiam nihilominus inestimabilis ac mirifici odoris, omnes qui aderant, senserunt.* Eadem Philippus in historia Walpurgina. Ergo iam Heidenheimij sacra hæc ossa sacro rore rorabant, qui nec animaduerti, nec excipi potuit, Reliquijs humo oper-

Et hæc translatio Heidenheimio Eystadium facta est sub Otkero, sexto Episcopo Eystettensi. Vide Catalogum Episcoporum Eystettensium.

Eystadij iterum Virgineæ lipsana humo cæta sunt; sed ab Erchemboldo VII. Eystettensi Episcopo refossa anno Domini 893. & in aram, ubi nunc cubant, illata. Lipsana tamen hic quoque oleo madefacta apparuerunt, de quo Wolhardus Hasenrietanus lib. I. de vita S. Walpurgis: *foedentes inuenerunt cineres amplectendos Beatæ Matris nostræ Walpurgis, quasi lympha tenui madefactos, ut quasi guttatim ab eis rores stilla extorqueri valerent. Quare licet tanta essent humiditate referti, nec pulvisculus tamen manibus attrectantium quoquo pacto valuit adherere.*

Clarum ergo videtur, si Heidenheimij, & primis annis Eystadij Virgo sancta tale Mausoleum habuisset, quale nunc habet in summo altari templi Walpurgini; oleum

ex

ex sacris lipsanis, prout nunc fit, emanaturum fuisse. Et quamvis Wolfhardus innuere videatur, quasi hæc elevatio sub Erchemboldo eo fine instituta sit, ut Liobæ Abbatisæ Monheimensi pars Reliquiarum tot votis expectata traderetur, eoque peracto, reliqua Reliquiarum portio suo loco sit reddita; compendium tamen vitæ Walpurginæ à Philippo scriptæ disertis verbis tradit, sub Erchemboldo, hoc est, anno Domini 893. regnante Arnulpho Rege, cum Lioba Abbatisa portionem Reliquiarum impetrasset; Reliquias S. Walpurgis summo altari ab Erchemboldo esse impositas, & conditas, eo modo & situ, quo hodie conditæ videntur.

Et si memini me in Catalogo Episcoporum Eystettensium scribere, translationem Reliquiarum S. Walpurgis ad summum altare, factam esse sub Heriberto X. V. Episcopo Eystettensi; sed necdum Epitomen vitæ Walpurginæ accuratè expenderam; nisi fortè Heribertus altare illud innouarit, & hoc titulo quasi secundus Translator censeretur. Et sane diuinis beneficijs plusquam ingrati fuissent, si animaduersâ illâ olei seu liquoris oleosi scaturigine, rursus Reliquias humo obruissent.

Quid autem restet eo loco, quo antea Eystadij S. Virgo sepulta fuerat, ita exponit paulo ante nominata Epitome: *Vbi hodierno die quidam circulus ex lapidibus factus, cum imagine S. Walpurgis euidenter apparet, in quo quidem circulo corpus eius quieuit, donec Episcopus Eystettensis eorum cum summo altari congruo tempore funditus, ob honorem S. Walpurgis, prout hodie cernitur, instauraret. Quod factum ab Erchemboldo, postquam publice compertum est, qualis liquor ex sacris ossibus emanaret. Statim ergo liquoris huius fons fidelibus apertus est, tamen si argenteam illam concham, & la-*

terga

tera

tera argentea, & siquid aliud elegantius & opulentius est, posterioribus seculis accessisse, nullus dubitem.

Parrem illam, S. Walpurgæ, quæ Monheimium venit oleum reddidisse, nuspiam legi. Edidit Wolfhardus Hasenrietanus libros quatuor ad Erchemboldum Episcopum de Miraculis S. Walpurgis Monheimij editis, quos libros in rhythmos coniecit Medibardus; nuspiam olei mentio est, nuspiam vnguenti; cum tamen plurima & restatissima, imo & frequentissima miracula memorent; nec ab ævo suo remota; sed quæ sub ipso Erchemboldo, cui Wolfhardus libros suos consecrat, contigerant; sub illo, inquam Erchemboldo, cuius concessu Lioba, Monheimensis Abbatissa, parrem Reliquiarum pro Monheimensi suo Monasterio impetraverat.

Cur autem hoc loco Reliquiæ istæ oleum non fuderint, prout Eystadij fiebat, DEVS novit; cuius in Sanctis suis mirabilia opera plerumque inscrutabilia esse, ipsi met curiosi scrutatores tandem fateri coguntur. Satis fuit DE o mirifico fluxu olei Virginem Walpurgam Eystadij illustrasse: Monheimij alijs, ijsque continuis miraculis sanctitatem Virginis toti terrarum orbi patefecit. Et ut id dicam, quod merito miremur; quæ miracula Eystadij edita sint per oleum Walpurginum, sacrasque eiusdem Virginis Reliquias, vix scimus; nisi quod Philippus in commentario de S. Walpurga sub finem, & in altero syntagmate de S. Wilibaldo nonnulla litteris prodidit. At Walpurga Monheimensis miraculorum suorum copiosum præconem nata est Wolfhardum Hasenrietanum, & Rhythmicum Medibardum: quidquid enim miraculorum quatuor libris in litteras miserunt; id Monheimij patratum est; vbi florens olim Virginum Cœnobium, &
magnus.

magnus ad sacras Virginis Reliquias accursus; quæ in arca argentea inclusæ publicis in processionibus à quatuor primarijs ciuibus circumferebantur, vt testantur illius loci quidam Lutherano euangelio viri & formiæ grandiuiores.

Monasterium ita deleuit hæresis, vt vix superent vestigia. Nomen tamen à Monasterio etiamnum retinet ~~Monasterium~~ hoc est, ille, qui fundos & agros Monasterij colebat. Larga insuper stipe recreabantur olim quorundam pauperes. Beneficentiam hanc hæresis non penitus sustulit, sed sine dubio accidit. Quo deuenerint Reliquiæ Walpurginæ, hæresi omnia sacra profanante ac demoliente, comperire non potui. Quæ tamen S. Walpurgæ memoriam ex hominum memoria adeo expungere non potuit, vt ipsi etiam Lutherani suis infantibus semellis, S. Walpurgæ; vt & masculis sancti *Solen* nomen, medio in Lutheranismo imponderent. Hinc circa illa loca omnia, redundant *Birgite* & *Sole*; hoc est *Walpurgis* & *Solis*; non enim procul Monheimi distat Solenhoffium, sancti Solæ olim habitaculum, & in Suanefeldico tractu nihil erat olim notius & celebrius, quam Sancta Walpurga, & Sanctus Sola.

Nec ex illa parte Reliquiarum, quæ Eystadio Furnos in Flandriam missa est, oleum manasse Belgici scriptores tradunt. Cur non etiam hic sacra Reliquiæ sacrum liquorem stillant? Ratio huius cessationis non ab homine, sed à Deo petenda est; ipse quippe nouit, cur hoc miraculum hoc loco faciat, & alibi non faciat; licet eiusdem Coelitis Reliquiæ vtroque asseruentur, & colantur.

Porro vt hoc obiter annoremus, Molanus in Martyrologio Vsuardi, non contentus Kalendis Maij hæc anno-

casſe: Furnis Translatio Reliquiarum VValpurgis, VVillibaldi, & VVunibaldi. Anno 1109. ad diem quartum Auguſti hæc inſuper adiicit. Die 4. Auguſti, S.VValpurgis Virginis, cuius Reliquiæ ſacra Furnis habentur. Alij vt notat D. Steuartius in Notationibus ad vitam S. Walpurgæ, quartum diem Auguſti dicant memoriæ egreſſus ex Anglia, quando S. Walpurgis natali ſolo valedixit, & in exteræ regiones ſe contulit.

Vtrum Heidenheimij aliquid de Reliquijs S. Walpurgæ reliquū ſit, quando Lipſana eius Heidenheimio translata ſunt, certo non conſtat. Obſcurus quidam & mendofus Henrici Rebdorffenſis in Annalibus locus (de quo vide lib. 2. obſeruat. c. 2.) id inſinuare videtur; nec hoc tantum, ſed etiam ex illis Reliquijs oleum manafſe. Quem locum ita nuper Editor Henrici D. Chriſtophorus Gevvoldus V.C. Conſiliarius Bauaricus edidit. Anno 1358. in. *Octaua Pentecoſtes, S.VVunibaldi Confefſoris in Haydenbaim facta eſt translatio in nouum chorum, cuius Reliquijs cum poſtea deferrentur in ſtillicidium, in magna abundantia manatum eſt, ad hoc ex vrina S.VValpurgis. Quæ lectio ſatis clare indicat, fuiſſe etiam Heidenheimij ſacri olei ex Reliquijs Walpurginis ſtillicidium; præſertim ſi pro Reliquijs ſubſtituas Reliquiæ, vt orationis conſtructio exigere videtur.*

Nec ſilendum illud, quod Epitome vitæ Walpurginæ tradit, tertio die poſt translationem S. Walpurgis corpus S. Wunibaldi deportatum eſſe ad locum, vnde corpus ſoror ſtulerant; *diebus interiacentibus ternis*, inquit Epitoma-
tor, hoc eſt, I X. Kalend. Octob. corpus S. VVunibaldi ad locum, vnde ſororis tulerunt, deportarunt; niſi ſenſus ſit, corpus S. Wunibaldi Eyſtadium cum corpore S. Walpurgis maioris celebratæ gratia ductum, tertio die ad locum, vnde ſororis
corpus

corpus tulerant, hoc est Heidenheimium, reportatum esse. Ex his etiam sextum argumentum, de quo cap. i. perspicue solum relinquitur; vt qui contra oleum S. Walpurgis in posterum pertinaciter disputare velit, non modicam suspicionem moueat, quasi Sanctorum honorum parum faueat.

CAPVT VII.

Varia genera miraculosi olei.

MONE me oleum S. VValpurgis, vt etiam oleum alterius generis adducam. Neque enim DEVS tantummodo per oleum ex Sanctorum corporibus manans, sed & per alias olei species crebra & grandia miracula patrauit.

Primus locus iure debetur oleo sanctæ & primæ Crucis, in qua Christus animam cælesti Patri reddens nos redemit: nam ex hac Sacrosancta Cruce oleum manasse, testis est Adamannus Scotus, nuper à nobis euulgatus, & Epitomator eius Venerabilis Beda in libello de situ terræ sanctæ. Quod vasculis inclusum Hierosolymitani incolæ, ex collo pensile pietatis & tutelæ causa ferre solebant. De quo vide, quæ scripsimus tom. i. de S. Crucel. i. c. 91.

Secundus locus debetur oleo, quod ante primam Crucem, Reliquiæ sue eius in lampadibus ardere solebat, quod diuinitus aliquando auctum est. Item illi oleo quod benedictionis & sanctificationis gratia in templo vel Oratorio S. Crucis fideles reponebant; & suo tempore reponabant. Vide tom. i. de S. Crucel. i. c. 87.

Tertio loco memoretur oleum S. Crucis, hoc est, quod

quod ex imaginibus S. Crucis emanare consueuerat, cuiusmodi præcipue fuit Crux Sozopolitana, cuius oleo viri sancti multa mira parrarunt. Consule lib. 1. cit. c. 91.

Quartum locum obtineat oleum, quod varijs locis ex imaginibus Deiparæ Virginis effluxit, cuiusmodi vnguentifera imago erat etiam olim Sozopoli, plurimorum liquore suo miraculorū effectrix. Vide loc. cit. operis de S. Cruce.

Nec prætereunda est imago illa, de qua Arnoldus Lubecensis Abbas in Chronico Sclauorum. l. 7. c. 10. *Ad Damasco ad tria milliaria est locus quidam in montibus situs, quæ Sydanecida vocatur, & à Christianis inhabitatur, & est ibi ecclesia, in ruresita, & in honore gloriose Virginis dedicata, in qua moniales virginēs duodecim, & Monachi octo assidue DE Oseruiunt, & B. Virginī, in qua ecclesia vidi tabulam ligneam, ad mensuram vniūs ulnæ longam, & latam ad modum dimidia ulnæ, retro altare in viuro sanctuarij in fenestra positam, & ferro laqueariter cancellatim firmatam, in qua tabula effigies B. Virginis aliquando depicta fuit, sed nunc, quod dictū mirabile est, pictura super lignum est incarnata, & oleum odoriferum super odorem balsami incessanter ex ea manat. De quo oleo multi Christiani, Saraceni & Iudæi de diuersis languoribus sæpe liberantur.*

Et nota, quod oleum illud nunquam imminuitur, quantumcunque inde accipitur. Nec prædicta tabula à quoquam tangi audeatur, videri autem omnibus hominibus conceditur. Oleum vero illud à Christiano religiose conseruatur, augmentatur, & pro quacunque re cum deuotione & fide sincera sumtum fuerit, pro honore Sanctæ Virginis, commissisq. solennitatibus indubitanter impetrabitur. Ad locum in Assumptione gloriose natiuitatis suæ omnes Saraceni illius prouincia, unā cum Christianis, causa orandi consueunt, & Saraceni caeremonialia illis sua offerunt cum maxima deuotione.

Nota.

Nota, hac tabula primo Constantinopoli facta & depicta fuit. Tunc temporis quadam Abbatissa supra dicti loci causa orationis Ierusalem descenderat, & impetrata tabula à Patriarcha Ierosolymitano, eam secum ad Ecclesiam sibi commissam transportauit. Fuit autem hoc Incarnationis anno DCCC. LXX. Sed postea per multa tempora cepit oleum sacrum ex ea manare. Hæc Arnoldus, quæ etiam Baronius recitat, Tom. X. Anno Domini DCCC. LXX.

Nec refert, quod ex recentioribus nonnulli miraculum hoc in dubium reuocant; vt enim posterioribus seculis fons iste gratiæ exaruerit ob inualescentes magis atque magis Sarracenos, & decrecentem Christianismi cultum; olim tamen miraculum hoc vigebar, teste etiam Legato Friderici Imperatoris anno 1175. qui vidit, & ex cuius relatione Arnoldus sua litteris mandauit. Quamquam huic miraculo amplissimum, & vt ita loquar, ocularum testimonium reddit etiam Rudolphus Parochus VVestphalus in suo itineralio, qui terram sanctam anno Redemptoris 1336. obiuit.

Quinto loco sit oleum, quod ad sepulchra Martyrum, vel aliorum Cælitum accendebatur; vel in eorum, Ecclesijs & Basilicis, benedictionis contrahendæ gratia, ponebatur, vt postea ad varios casus vsui esset. Vide Tom. 1. de S. Cruce l. 1. c. 21.

Denique huc veniat oleum, vel solenni Ecclesiæ benedictione, vel priuatim quoque à Sanctis præsertim viris, signo Crucis, aut precibus consecratum. De cuius

miraculis copiose scripsi l. 2. de Benedictionibus c. 22. & 23.

CAP V T VIII.

*S. Walpurga Antuerpiensium patrona cum en-
comio ex Notkero, eiusque Reliquia
Witebergæ in Saxonia.*

MIRÆVS vir doctus & clarus, Canonicus &
Bibliothecarius Ecclesiæ Cathedralis Anti-
uerpiensis hæc de S. V Walpurga litteris cō-
signauit. *VVillibrordus* anno DC. XCVII. ex
Britannia in Galliam transiens Belgicam ferme
vniuersam Apostolico more peragravit. Huic adhuc viuenti Ro-
thringus vir præpotens dedit Ecclesiam in Antuerpo castello sitam
super Scaldi in pago Renssum, cum villis, appenditijs, & parte ter-
ritorii eiusdem castelli, quod nunc est marca regni. Litteris hæc
cōsignauit Theobaldus, Episcopus autensis apud Lucemburgenses, mo-
nasterij à S. VVillibrordo ex ædificatæ abbas, qui Henrico IV. Imp. vi-
tæ eiusdem Diui stilo complexus est prolixiore. Eadem leguntur
in tabulis Testamenti S. VVillibrordi, quæ typis exstant editæ in Cal-
vati Seribani Antuerpiæ. Atq; hæc ipsa apud Antuerpianos Basilicæ
Castrensium nuncupatur, est S. VValpurga nunc sacra. Quæ
quidam Virgo SS. VVilibaldi & VVilibaldi germanæ soror, in ead-
em Basilica D. E. O. aliquandiu traditusseruisse, & scilicet ibidem
etiamnum eius oratorium; in quo & vetus in pariete inscriptio eius
vix testis ante faceret hæc. Itaque ista exstitit. Ad non immerito
Virginem hanc velut patronam domesticam Antuerpiensium Ecclesiæ
solenniter quotannis rita veneretur, & quælibet dies.

Notkerus in sua Martyrologio die quinto Iunii. Eo-
dem die in Frisia passio S. Bonifacii Episcopi, qui de Britannia veni-
ens & fidem Christi euangelizans, cum maximam multitudinem
in Frisia Christiana religioni subiungasset, nouissime à paganis; quæ

TVTAS

2 2

supere

supererant, gladio peremptus, martyrium consummauit, cum Eobano Episcopo, & alijs seruis DEI, quorum hæc sunt nomina: VVintrug, VValtber, Skirrwald, Bosan, Hamund, & Heibere, VVacobar, Gundachar. VVilleber, Hadonolf. De quorum collegio fertur etiam fuisse VVilibaldum Presbyterum, virtutibus, & doctrina clarissimum, & sororem eius VValdpurgam sanctitate conspicuam.

Nec silere hic decet, Reliquias S. VValpurgis in Saxoniam quoque, Wittebergam nimirum deuenisse, nam ve in libello de Reliquijs Wittebergæ quotannis die Lunæ post Dominicam *Misericordia*, maximo populi accursu, ostendi solitis, memoratur, inter cætera preciosissima Reliquiaria, duo itidem erant, in quibus asseruabatur & monstrabatur oleum S. VValpurgis, & de vestimento eius duæ, deque sacris ossibus quinque particule cum tribus dentibus; Et in alijs Hieronymæis de S. Sola & S. VVuhibaldo sacra frustilla inerant. Quæ Duces Saxonie ab Episcopo quopiam Eystettensi obtinuisse, mihi admodum sit verisimile. Sed quo postea deuenierint, quando hæresis Urbem illam, totamque Saxoniam occupauit, mihi non liquet; quamuis si indolem hærescos penitus intueri velimus, satis liqueat; eius enim hoc proprium est, Reliquias flammis voracibus absumendas tradere; aurum verò, argentum, gemmas, margaritas, & id genus alia, quibus ornabantur, in proprios vsus conuerrere ac conuerrere.

Ex hac præda obtigit Luthero vitrum Crystallinum S. Elizabethæ Hassorum Landgrauicæ. Quod plenum de eadem Diua Lipsanis, ante omnes alias Reliquias Wittebergæ populo spectandum venerandumque proponebatur. Quis hoc crederet, nisi testem haberemus Matthæsum, Lutheri commensalem? qui concione XVI. de Actis

Luthe-

Lutheri hoc palam affirmat, imò & addit, cum Lutherus in conuiuio, quo nonnullos ex valle Isachimica aduenas exceperat, non nihil incaluisse, cum prompsisse hoc poculum; & inde haustum cyclicum seu orbicularem, instituisse, singulis, Luthero ipso pocillatore & auspice, poculum hoc deuotè, vt par erat, elambentibus. Quis autem non miretur ex tota illa tot hicrothecarum seu Monstrantiarum & pretiosissimorum Reliquiariorum, vt sic loquar, hæreditate, poculum ad Lutherum peruenisse? An hoc factum sine omine? Haud crediderim, & ne credam, obstat Sobrius Lutherus M. Conradi, & Poculum Catecheticum, de quo in Colloquijs symplosiacis; & pluralia. Sed hæc per digressiunculam obiter.

CAP. V. T. IX.

*De Reliquijs S. Willibaldi in pago Ioshoffen, vnâ cum particula S. Crucis, deque Lipsanis S. Willibaldi cum oleo S. VV alpur-
gii in Angliam misso.*



L S T Ioshoffen pagus ad Dannbium paulo infra Neoburgum Palatinorum sedem, cuius templum in edito colle situm. Lutherus, iam aliquot annorum decurijs, malus possessor insidebat; sed nuper inde facessere iussus est, antiquis honoribus S. Crucis & S. VVillibaldi reſtitutis, quod vt acciderit, hunc in modum exponitur in charta typis Neoburgi excusa, vbi primum de prima Templi huius consecratione agitur his verbis:

Conse-

Consecratum est hoc Altare primum à Venerabili Domino, Domino Alberto Episcopo Ecclesiæ Castoriensis, in honorem S. CRVCIS, & omnium SANCTORVM. XI. Calend. Septemb. Anno Domini M. CCC. LXV.

Inclusæ sunt illi tunc hæ sacræ Reliquiæ. Particula S. CRVCIS. Cineres de S. PANCRACTIO Martyræ. Dens molaris S. VVILLIBALDI Episcopi Eystettensis.

Ita de Consecratione ipsa & Reliquijs istis testatur gemina inscriptio. Vna chartaceæ Schedæ, altera plumbeæ Capsellæ, quæ in Altari fracto, cum Reliquijs ipsis diuinitus, sub septuagenario ferè his locis Lutheranismò, seruatis, repertæ sunt. XIII. die mensis Octobris Anno Domini M. DC. XVII.

Quas Reliquias non fuisse dissipatas ab hæresi, præsertim Altari fracto, mirum est. Et quidem de S. Willibaldi dente tam fuit apud omnes constans persuasio, vt cum Sacerdos Catholicus incolis necdum à Luthero liberatis, diceret, se in Altari insignes Sanctorum Reliquias reperisse, ipsi responderent, nimirum *Dentem S. VVillibaldi*. Sed iam regrediamur ad chartam Neoburgicam.

Quo anno (*nempe 1617.*) diuina gratia, Principe VVOLFGANGO VVILHELMO, Comi-

te Palatino Rhēni, Bauariæ, Iulix, Cluiæ, Montium Duce, &c. Catholica Religio, pulso Lutheranismō, in hoc templum inter alia, diē XII. mensis Februarij postliminio reducta est.

Eadem vero demum sacre Reliquiæ cum quibusdam alijs de SS. Martyribus Achatio, Sulpitio, & Aurelia, de S. VVolfgango Episcopo Ratisbonensi, &c. primū solenni Supplicatione indicta, comitante populo, ex Vrbe Neoburgo Feria II. Rogationum in hoc Templum delata; tum Altari huic denuo reparato, & in honorem S. CRUCIS, ac SS. Omnium consecrato illatae sunt: alique quibusdam, ob id in

Reuerendissimo & Illustrissimo Principe ac Domino, DN. IOANNE CHRISTOPHORO Episcopo Eystettensi, &c. Diē Mensis Maij XXI. Anno salutis reparatae M. DC. XVIII.

De fonte S. Willibaldi, qui dicitur esse inter Neoburgum & Monasterium Bergenſe, silco; quia non vidi. Fertur extitisse ex lapsu equi, cui S. Willibaldus insidebat. Vix notus iam est, post tantas Lutheranismi tenebras, nisi venatoribus & siluicolis, vepribus & dumetis omnia obtinentibus, & obscuris. Longe præclarior facinus faceret, qui hunc locum exputgaret, quā M. Tullius, cum

tum sepulchrum Archimedis vepribus oblitum in lu-
cem vendicauit. Vide lib. 5. Tuscul. quæst.

In catalogo Episcoporum Eystetiensium in Wilhel-
mo Reichenavv, diximus, ab hoc Episcopo Reliquias
S. Willibaldi, S. Richardi & S. Walpurgis vnâ cum eius-
dem oleo, ad Regem Angliæ missas esse; id qua ratione
acciderit, ipsemet Legatus annotauit: quam annotatio-
nem veteri in Codice repertam exscripsit admodum
Reuerendus & doctissimus Dominus M. Georgius Brun-
ner Eystadij ad D. Walpurgis parochus. Ea sic se habet:

Anno salutis 1492. 13. Calend. Septembris. Eui ego Bernar-
dus Adelman de Adelmansfelden, Canonicus Eystetensis, à Reu-
rendissimo in Christo patre ac Domino Guilielmo de Reichenavv
Episcopo Eystetensi, ad Inclitū Henricum sextum Angliæ ac Fran-
cia Regem, Dominumq. Hiberniæ, cum historiis ac reliquijs Sancto-
rum Willibaldi, Wunibaldi, Walpurgis, Richardi missus, quas in
Ciuitate Cantuariensi in templo Saluatoris 10. Calend. Octob. summa
cum Veneratione ac deuotione idem Rex à me suscepit, eodem Anno
1492. atq. Vltro promissit se curaturum, vt in futurū quotidie, in bo-
nore predictorum sanctorum Missa celebraretur, ac singularum
septimanium eo die, quo ei reliquie per me presentate essent, solem-
ne officium decantaretur, presentibus ibidem Archiepiscopo Cantua-
riensi, Episcopo Batonensi, - - -

* L. Septi-
mum.

* Idem cor-
ruptum.

Et inter omnes reliquias Rex Angliæ, qui se de stirpe S. Richar-
di esse asseruit, ab Episcopo Eystetensi missas, in primis oleum S. Wal-
purgis maxime admiratus ac veneratus est. Itæ ego Bernardus ob
gloriam meorum patronorum, qui secundo Vento meum iter comita-
ti sunt, manu propria testor, precibus quorum me indignum com-
mendo; &c.

Haecenus nobilis legati Annotatio. Sed vbi hodie
sacra ista Reliquia in Angliam missa? Nimirum vnâ

cum innumerabilibus alijs à Calviniana charybdi ab-
sorptæ sunt.

C A P V T X.

De aduersarijs S. Bonifacij.



HOSTES S. Bonifacij fuisse itidem hostes S. Wil-
libaldi, S. Wunibaldi, S. Walpurgis, quia omni-
um causa communis erat. De his actum qui-
dem est l. 1. obseruat. cap. 10. sed concisus,
quàm par erat. Primus fuit Adelbertus siue Adalbertus,
natione Gallus. Secundus Clemens Scorus seu Hiber-
nus, manifesti hæretici, & prorsus fanatici ad modum,
ferme Carlstadianum, damnati in Concilio Sueffionensi
sub Zacharia Papa anno Christi 744. regnante Childer-
ico Rege. iterum damnati in Concilio Germanico anno
745. Tertio damnationis sententiam rulerunt, in Syno-
do Romana sub eodem Pontifice Zacharia anno 745. in
qua Synodo vtriusque somnia & deliria fuisse exponun-
tur. Inseruit eam libro secundo Vitæ Bonifacianæ Oth-
lonus, quem Tomo IV. Canisiano, & lib. 3. rerum Mo-
gunriacarum apud Serarium inuenies. Fit mentio eo-
rundem Epist. 135. 144. & 148. Vterque in custodiam
missus est, & quidem Rulda. Vide Serarium notat. 32.
ad Vitam S. Bonifacij. Vterque Episcopus fuerat. Li-
quet hoc ex Epist. 138. & 139. quæ sunt Zachariæ Papæ
ad S. Bonifacium.

Ex iisdem epistolis Zachariæ ad Bonifacium disci-
mus alios duos S. Bonifacij aduersarios, quorum alteri
Geolcobo; alteri Godalfacio, seu Godeschaleo nomen
erat. Vterque videtur Episcopus fuisse, æque ac Adalber-
rus,

tus, & Clemens Scotus: Vocantur enim post deiectionem ex Episcopali dignitate Exepiscopi, & ille Geoleobus *false Episcopi honore functus* scribitur a Zacharia Papa. Quintus inter aduersarios S. Bonifacii est Sampson Scotus, de quo Zacharias Papa in epist. ad S. Bonifacium, quæ est 140. inter Bonifacianas. Scripsit reuerenda fraternitas tua, reperisse quendam Presbyterum, genere Scotum, nomine Sampson, errantem à via veritatis, dicentem & affirmantem, quod sine mysterica inuocatione, aut lauacro regenerationis posse fieri Catholicum Christianum, per Episcopalis manus impositionem. Hic autem qui dicit, vacuus est Spiritu sancto, & alienus à gratia Christi, atque à consortio sacerdotali abiiciendus. Quis enim nisi baptizetur iuxta præceptum Domini In nomine Patris & Filij & Spiritus sancti, & sic per manus impositionem consecrètur, potest esse Catholicus? Hunc nequissimum virum talia predicantem, ab Ecclesia DEI sancta condemnatum expelle.

Sexto in Thuringia inuenit multos fidelium seductores, & falsos magistros; quorum in vita S. Bonifacii Willibaldus quatuor nominat, Tortibune, Berechibere, Tanbercht & Hanred. In Boica erat Erenuolfus, de quo idem S. Willibaldus & Othlonus; & breuiter lib. 5. rerum Boicarum anno 733. Marcus Velferus, cuius verba adscribam. Vix obierat Corbinianus, cum infausum nomen Erenuolfus, homo hereticus, primus cuius memoria inter Boios extet, si his quoque pestibus annotandis operæ pretium facimus, flagitiosa impiorum dogmatum labe serenda grassari cœpit. Bonifacius ut erat acris in diuinum cultum studio, propere accurrens, ne virus latius serperet, auctorem sceleris, mature ex sacrorum canonum præscripto damnatum ab Ecclesia communione reijcit, simul populum salutaribus concionibus admonitum, in viam reuocat.

Tales sese S. Bonifacii hostes professos esse non ma-

gis est mirum, quā quod hodie Lutherani & Caluiniani pessime oderunt omnes illos, quicunq; patrociniū Catholice religionis tuendæ ex instituto suscipiunt. Nec S. Bonifacius alio animo erat, quā Sanctus ille Pater, qui dixit, se operam sedulam dedisse, vt hostes Ecclesiæ fierent etiam hostes sui.

Septimo inter hostes seu aduersarios S. Bonifacij numerant sectarij, Virgilium & Sidonium duos Episcopos. sed absit, vt hos viros sanctitate præclaros S. Bonifacij hostibus accenseamus. Simultas quædam inter illos extitit, pessimorum flabellis excitata & nutrita, eo vsque tamen progressa, vt S. Bonifacius querelas suas, & contra duos illos accusationes ad Pontificem detulerit, vt planum sit ex epist. 140. quæ est Zachariæ ad Bonifacium. Quamuis ipsi quoque non fuerint elingues aduersus Bonifacium in litteris suis ad Pontificem Zachariam, vt patet ex epistola Zachariæ. Nimirum etiam sancti homines dum in hac vita viuunt, ænebris quibusdam circumfusi sunt; nec aliorum sensa, dicta, facta satis semper assequuntur, vt ea in bonam partem accipiant, vel candidè interpretentur, præsertim si aliquid prauæ emulationis vel inuidiolæ accedat.

De tota hac alienatione uel breuiter & eleganter ita scribit M. Velserus lib. 5. rerum Boicarum. *In Boica iam tunc Virgilius & Sidonius pietatis docendæ causâ versabantur, quorum sequentibus temporibus virtus & dignitas magnopere inclauit. Virgilio Hibernia patria; quâ Sidonio fuerit, non est proditum. Ijs gravis cum Bonifacio disceptatio inciderat, de sacerdote qui laicitatis ignoratione, in sacra baptismatis formula peccare solitus: re ad Pontificem delata, aduersus Bonifacij sententiam, in hac ver-*

bare-

hæc scriptum est. Et post recitatam Zachariæ epistolam aliisque nonnullis interiectis subiungit Velferus. *Discordia inter Bonifacium & Virgilium interim gliscebatur, in probis pessimorum hominum rumoribus excita auctaque; tanto nimirum facilius, quod Moguntiæ unus Episcopus, alter apud Boios, procul agerent, suffundit enim vires calumniae longinquitatis. Bonifacius Zachariæ quesumus, responsum sibi honorificum, in aduersariam asperam abstulit. Ceterum Pontifex se Vergilium euocaturum, coram de causâ cogniturum ostendit.* Epistolæ Pontificiæ hæc addit. *Disceptionis exitum non comperio. Fit verisimile, aut purgasse se Vergilium Pontifici, siue coram, siue per litteras: aut cognitis inuidorum utrinque fraudibus, nam quâ Virgilius animi probitate & vitæ sanctimoniam fuit, quæ Bonifacio renunciata, neque dixisse, neque fecisse potuit, vtrò, quod inter bonos solet, in gratiam esse reditum. Sane Bonifacius toto deinde septennio superfuit, neque istius tamen dissensionis præterea vestigium apparet. Quod quidam coniecere, non abnucrim, Virgilium de terra specie acutius quam pro vulgi capto disputasse, globosam esse, & viuere e contraria parte qui aduersis vestigijs stent contra nostra vestigia, quos antipodas vocemus, hos perinde ac nos sole & luna lustrari: ea ignoratione audientium perperam accepta, de tortâ, longè alio sensu ad Bonifacium perlata, offensionum præbuisse sementem.*

Cæterum, ut & hoc addamus, à damnato Clemente longe diuersus est Claudius Clemens Scoto, qui cum Ioanne Scoto, quem etiam Mailrosium vocant, venit ad Carolum Magnum offerens ei operam tradendi doctrinas liberales, ut est apud Balæum centur. 14. cap. 32. & 33. & Monachum Sangallensem Tom. 1. antiq. Lect. qui alterum vocat Clementem; alterum non Ioannem, sed Albinum; quem Ticinum docendi causâ missum dicit, recto in Gallia Clemente. Nihil his commune cum superio-

perioribus, nec aduersari potuerunt S. Bonifacio; nam ex Scotia seu Hibernia venerunt regnante, & ut videtur iam imperante Carolo Magno. at imperium adeptus est anno 801. regnum mortuo Pipino. 768.

Ille Ioannes Scotus vocatur etiam Erigena, à patria sua *Irland*; sic enim Germani vocant Hiberniam insulam. Vertit S. Dionysium Areopagitam. multa scripsit, de quibus Balæus loco cit. & Posseuin. Erroribus nonnullis infectus, & extant contra illum opuscu-

la in Auctario ad Bibliothecam SS. PP.

506



APPEN-



APPENDIX

RECENTIVM QVORVNDAM MIRA- CVLORVM, QVÆ VIR- TYTE OLEI S. VVALPVRGÆ ACCIDERVNT, IDONEIS auctoribus testata.

QUO in rebus humanis solenne est, ut res ma-
ximæ quotidiano vsu, si in promptu & oculis
omnium sint, admirationem venerationemq;
exquisitiorem amittant, illud idem prodigio-
so oleo, quod è S. Virginis Walpurgæ sepulchro vbertim
in hunc vsque diem destillat, vsuuenire videmus. Etsi
enim plurimi saluari hoc liquore medicante, varias cor-
poris ægitudines & extrema etiam vitæ pericula fre-
quenter à se auertant, contenti tamen priuatim Sospita-
trici Virgini gratias habere, incolumitatemque ipsi re-
ferre in acceptis, publicè se beneficium accepisse non re-
stantur, nec apud eos nomen suum profitentur, qui Vir-
ginis gloriæ propagandæ rem publicis monumentis cõ-
signare aut cupiunt, aut debent. Quod partim eiusmodi

G

homi-

hominum simplicitati condonandum est, partim effusa S. Virginis beneficentia imputandum, utpote quæ tantâ beneficiorum mole supplices sibi mortales obruere statuerit, ut beneficia sua numerari nolle videri possit; quod nō guttatim ea subinde affluant, sed perennitius è sacro oleo prorumpentia in quoddam beneficentia flumen exerceant.

Verum necanti miraculi fides paulatim obsolescat, dum rarius Virginis beneficia palam hoc quidem tempore emanant, quæ sapius audirentur, si euenirent rarius, visum est sacri olei diuinam vim torper secula sibi constantem, pauculis quibusdam nuperisque exemplis testatam facere. suppeditauit ea vir virtute & doctrinâ conspicuus R. D. *Georgius Brunner* Eystadij ad D. Walpurgæ Parochus, Artium & Philosophia Magister, qui omnia, quæ iam narrabimus prodigia aut præsens spectauit, aut ab ijs quibus ea eueniunt, cognouit, aut laudatis alijs testibus confirmare potest.

In primis retinet sacer liquor solenne suum in eo, quod si contemptum & non reuerenter habeatur, repente euanescat. Præcipue vero blasphemiarum impatiens est, adeo ut longâ experientia compertum sit, si ijs qui sacrum oleum penes se habent, blasphemis vocibus Deum ledant, tanto thesauro eos mox priuari. Et non pauci aliunde è locis distitis ad S. Walpurgam vel venerandam, vel implorandam profecti Eystadsum, sanctè affirmarunt, se sacrum oleum in vasculo probè clauso sibi afferri curasse, sed vacuum recepisse, eò quod tabellarij, genus hominum in blasphemando non indiserunt, maledicis in Deum vocibus sacrum liquorem fugauerint. Ita nimirum non vult Deus & S. Walpurga oleum suum peculiari diuine

uinæ suæque gloriæ augmento scaturiens, maledico ore contemnerari.

Parturientium maximè necessitati hoc oleum opitatur, & ideo si difficilior partus periculum minetur, solent Eystettenenses feminæ id pro præsentî remedio adhibere, euentu ferè secundo.

I. Anno 1618. puérpera inopis fortunæ è D. Walpurgis Parochiâ, iam præsentium omnium iudicio cum mortè confictari cœperat, ergo Parochus aduocatur, qui mulieri de peccatis confessæ & sacra Eucharistiâ refectæ, suâ sitingentem de salute, ope sacri olei potiendâ, fiduciam conciperet. Fecit illa, sacrum liquorem hausit, & S. Walpurgæ utique patrocinio, mox restitui cœpit, hodieque superstes est.

II. Mense Maio anni huius 1620. Walpurga Kraut-
fäbri operarij Eystettenensis vxor, foetum mortuum eniti nō poterat, ubi S. Walpurgæ oleum pharmaci vice adhibuit, partu simul & periculo soluta est. Beneficium hoc 29^e eiusdem mensis die in ipsâ S. Virginis æde, Missæ sacrificio in gratiarum actionem oblato pensari curauit.

III. Georgius Müller Fullo & Ciuis Eystettenensis in tantum lippiebat, vt cœcurientibus oculis tenuem etiam meridianâ luce, fulgorem, solummodo perciperet; quo malo integrum biennium laborauit, mirè interim patiens & in cœcos adeò beneficus, vt vxori liberisque præceperit, ne vllum mendicum oculis captum sine stipe dimitterent, se testem esse posse, cœcitatismalum omnium miserationem mereri. Fortè circumforaneus quidam, medicus Eystadium delatus erat, is huic homini remediū impollicitus, affectos oculos curare aggressus est tali succellu, vt miserum senem omni visu priuatum in Cimmeri-

rias tenebras coniecerit. Quatuor continuos menses, multis Deum precibus pro oculis restituendis fatigauerat, & ardentem calamitosam noctem deprecatus erat, cum nescio cuius suasu, monetur S. Walpurgæ oleum colligij vice usurpare, pluribus hoc malo laborantibus id saluti fuisse. Acquiescit senex, tribus diebus continuis, oculis illius Virgineus liquor instillatur; ille quauis nocte, D. Walpurgis ope oculorum lumen sibi redditum non vanè somniat. Tertiâ quippe nocte exactâ expergestus, visus se compotem sentit, hypocautum solus intrat; pendula è parietibus vasa stannea conspicatur; vxorem, & liberos inclamat; & in gratulationis partem venire iubet. Ne verò gratitudinis officio deesset, cereum collati beneficii testem D. Walpurgæ obtulit, & quinque reliquis, quibus superuixit annis tantum visu valuit, vt nec duce ogeret, nec ab arte suâ faciendâ impediretur. Totam rei seriem ipsa fullonis vxor Barbara Müllerin 70. annos nata, Parocho ad D. Walpurgis retulit; idem eidem testatus est Ioannes Belenhofer vir ætate & moribus grauis, qui rem publicâ famâ celebratam fuisse asserit.

IV. Anno 1617. die Septembris 15, animam egliuuenis quispiam Wilibaldus Pelenhofer fullo & ciuis Eyettensis; is omnibus Ecclesiæ sacramentis, quibus tunc vsus esse solet, ad vltimâ luctâ ritè cõparatus, subito nervorû stupore manus mouere non poterat, quæ vbi sacro oleo D. Walpurgis vinctæ fuerunt, mox pristinus vigor & natia mobilitas illis redijt. Et quamuis iuuenis hic fato postea concesserit, abundè tamen manuum receptâ incolumitate monstrauit, se totum à D. Walpurgâ sanari potuisse, nisi magis è re ipsius fuisset, potius deinceps in cælo viuere, quam in terris. Rem ita gestam esse restan-

tut R.D. Parochus ad D. Walpurgis, & de mortui parentes fratres ac sorores.

V. Eodem anno, cum R.D. Conradus Brunner tunc Parochus Thannensis prope Eluacum, nunc Ecclesiastes Collegiatae Ecclesiae Comburgensis, primitiis patrui sui R.D. Georgij Brunneri Parochi ad D. VValpurgis, Eystadij interesset, vasculum oleo D. VValpurgis plenum dono accepit. Id deinde vasculum, cum Eystadio domum reuertens, ad nobilem quandam matronam à Neuhausen diuerteret, in pago *Jänffstetten* dicto, muneris loco eidem matronae reliquit. Illa, quod vnà aure prorsus capta esset, remedium hoc oculo sibi densum credebat, quare sine morâ vnâ alteramque sacri olei guttulam surdastrae auri immisit, totâ interim mente J. VValpurgam inclamans; Et noluit Diua Virgo tam al hominum preces aurita, deuotam sibi matronam diutius surdastram manere, ergo eadem horâ aurem auditurque incolumem illi præstare. Huius miraculi fidem, F.D. Conradus Brunner missis ad patrum suum litteris obsignauit.

VI. Anno 1618. hiemis tempore, puella sedecim annorum Barbara Avverm, Wolfgangi Avveri Eystetensis filia, in siluam abiuerat fratre comite, vt communi operâ ligna seu potius farnena in usum pauperulae familiae, solenni pauperum mori, conquerent. Inciderant in vastiorem truncum infelices alicuius arboris, eumque in humeros sublatum vnâ domum deferre inceperant; ac in progressu puella labante estigio sub onere corruit, truncus verò tantâ vi cadentis epiti illisus est, vt vberim sanguis ore, naribus, auribus emperet, puellâque ægrè languentem spiritum trahere. Quare frater corbi impostam domum retulit morieri quam victuræ

longius, propiorem; ibi rursus sanguis ore, naribus, auribus torrentis instar effusus, aliquot vascula impleuit, & Chirurgus omnem salutis spem mox deposuit.

Accersitus ergo animæ saltem seruanda Parochus ad D. Walpurgis, vbi ægram nec linguæ, nec propè etiam auditus compotem esse vidit, ne fortè absque criminum expiatione moreretur, nuntio, vt poterat, se accusantem, absoluit, & suauit vt S. Walpurgis oleo extremo huic malo medicinam quæreret; paruit illa, & vix sacrum liquorem libauit, cum mox linguæ officio fungi potuit, quare de peccatis distinctè confessa, postquã Christi corpore, animum pauerat, ex templo conualescere cepit, hodie quæ mortis suæ, cum omnino auferri hequeat, dilationem saltem sana ad integra B. Walpurgis sacro oleo acceptam refert.

VII. Eodem Anno R. D. M. Sebastianus Megerlin Monacensis, dum Theologicis studijs incumbit, adeo graues catharros, seu humorum destluxus sustinuit, vt aures illis obsessæ omni audendi facultate quinque hebdomadum spatio caruerint. Obtulit illi hospes, apud quem morabatur, sacrum Virginis nostræ oleum, quo simul ac voto ad S. Walpurgam concepto, vsus est; omnem illam humorum colluuiem diuina olei vis diluit. Aduit Eystadij voti reus 16. Aprilis, & in templo hospitatricis suæ facris operatus, coram eius sepulchro, de precibus suis à S. Virgine auditis miræque sacri olei efficaciam, quam expertus esset, fidem irascentibus omnibus fecit.

VIII. Hoc ipso sacro liquore surda stris auribus instillato auditus olivæ se remouisse, testata est eodem anno mense Iuni Antistita sacrarum Virginum in Holzhaim Anna Rehingerin.

IX. Feste die Visitationis Deiparae Virginis anno eodem, S. Walpurgis sepulchrum inuifit Nobile par coniugum vna cum Sacerdote, qui illis à sacris Confessionibus erat, accubuit vterque coniunx sacris epulis, & magna cum veneratione sacrarium virginici liquoris à Parocho ad D. Walpurgis sibi reclusum spectauit. coram quo Nobilis illa matrona attestante tam marito, quam sacerdote, professæ est magno se beneficio S. Walpurgæ obstrictam teneri, ob oculum salutaris olei ope seruatum; quippe se coniuge absente, domestico operi cuiuspiam intentam, cultro incautius librato, à re, quam scindere destinabat, aberrasse, & cultri mucrone in oculo defixo, mediam eius pupillam secuisse; quare desperatis humanis remedijs, sacerdotis, qui præsens aderat, suâsu, sacrum oleum in oculo illeuisse, eius vi pupillæ vulnus mox in integrum & ad sanum coiuisset, nec se ullam amplius ex eo vulnere visus diminutionem passam. Inspexit curiosè oculum Parochus, nec vllum vulneris vestigium deprehendit.

X. Laborabat annum iam integrum morbo caduco puella decennis, Anna Bromin nomine, Michaelis Brom de pago Rottenbuch ditionis Eystettensis filia, & remedia multa incassum adhibita de humana ope desperare cogebant; ad diuina ergo confugiunt familiares, de sacro oleo puellæ præbendo deliberant, & ea quidem hebdomade, qua misella triçies singulis diebus miserandos epilepsiæ æstus humi volutata passa est. Vix allatum fuit diuinum pharmacum, & loco, vbi agra decumbebat illatum, cum morbi vis remitti cœpit; sacro deinde oleo sumpto, triduo conualuit, & quæ antè funesto imperu sepius in terram deiiciebatur, post in suauem somnum labi crebro

crebro visa est. Obij hæc puella cum parente suo publicam pagi sui supplicationem, quam Calendis Maij huius anni ad S. Walpurgis sepulchrum incolæ instituerunt, parens in gratitudinis pignus aliquot oua S. Walpurgæ monasterio obtulit, tenue munus de tenui censu, gratius Medicæ Virgini futurum, quam si aureorum centurias superbis oculis Cræsus aliquis deprompsisset, magis diuiciarum testes quam gratitudinis. Res est plurimorum testimonijs firmata & maxime parentis puellæ, qui cum illa apud adituū Virginæ templi Paulum Marstaller diuertit, & omnia difertè narrauit.

XI. Eodem hoc anno in perugilio Ascensionis Dominicæ Anna Fasserin Martini Fasser de Braitenfort vxor domi suæ à rabioso fele occupata fuit, qui pestilenti morsu manum illius laniauit, necquidquā verò vicinorum opem inclamans, felem pertinaci morsu de manu pendulum fuisse quidem abegit, vulnus tamen periculum non depulit. Anxia igitur de remedio, audit duos pagi sui incolæ, aliquot abhinc annis, similes morsus sacro virginis Walpurgæ oleo feliciter curasse, Non dubitabat etiam sibi hoc remedio consultū iri; quater itaq; ad sacras virginæ Monasterij S. Walburgis accessit rogatura sacri olei subsidium, quæ ubi vulneri sacrum liquorem instillarunt, mulier omni doloris sensu libera mansit, & a virginibus ad Parochum remissa, audiente Michaelē Schepfel, Monasterij ianitore, beneficium sacri liquoris recensuit, & S. Walburgæ grato animo assignauit.

XII. Ipso autem Ascensionis festo, S. Walpurgam supplex venerata est Anna Ringerlin, virgo annos admodum 40. nata, de pago Pollensfeld ditionis Eystetenensis; ea de peccatis suis confessa & SS. Eucharistiā pasta, Paro-

chio

cho ad D. Walburgis narravit, se cum duodecim abhinc annis, aliquando sana adibus egressa esset, repente morbo correptam, ipsum triduum rationis usu destitutam, velut in phrenesi decubuisse; allato deinde haustoq; sacro liquore omnem morbum repente evanuisse.

Eadem femina sanctè affirmavit, bis se gravem ophthalmiam sacri olei collyrio depulisse, imò addidit cum primum oculis laboraret, se à S. Walpurga contendisse, ut iteratò eo morbo multaretur, quo sapius tam potentem manum possèt experiri, admirari & prædicare.

Audiuerunt hæc narrantem, præter Parochum, duo viri religiosi ordinis S. Benedicti P. Andreas Scheffier, & P. Georgius Geyger, hic monasterij Plankstetensis Superior, ille Prior.

XIII. Non ita dudum R. D. M. Georgius Simon Ecclesiastes principis templi Eluacensis, sorori febrienti fatrum oleum libandum dederat, quo sumpto febris mox decessit, & illa convaluit. Idem ecclesie hoc pharminum femina agrotanti, ac hæresi imbura suavit; quò cum vfa esset, sacer hic liquor omnem corporis animique morbum paulò post deterfit, redijt enim ad Ecclesiæ gremium, vnde turpiter hæresi impellente profugerat. Hæc suis litteris ad R. D. Parochum D. Walpurgis D. Ioannes Simon bona fide confirmavit.

XIV. Ioannes Krell patria Monacensis, Illustri Domino de Tylli totius Bavarici exercitus copiarumq; foderi Catholicorum Principum collectarum supremo Tribuno militari à pedibus, in reliquo Domini comitatu Eichstadium peruenit V. Calend. Martij, anno post millesimum sexcentessimum vicesimo; ibi dum dies complurculos substitit, multa ut fit, quotidianis oppidanorum,

H

sermo

sermonibus, & de D. Walpurgæ sanctimoniâ, & de operi-
bus admirandis, ad præfertim de sacro olei fonte, quem
Diuæ illius ossa copiosè exsudant, commemorari audi-
uit. His ille rebus inescatus, ita animum addixit, vt sta-
tueret & ipse ad eam Virginem religiosè colendam non-
nihil facere: atque ne longiore fortassis mora animus
intepesceret, aut pietatis consilia in obliuionem desine-
rent, voluit proximo statim secuturo Sabbati die ad eam
S. Walpurgæ sacram adire, rebusque diuinis interesse, &
præmissa peccatorum expiatione cælestibus animum,
epulis pascere; totumque in S. Virginis patrocinium se se
tradere.

¶ Nec hic pietas stetit: insuper etiam miraculose olei
sibi copiam fieri petijt. Vitream bullam copiosam, cum
eiusdem S. Walpurgæ iconismo haud difficulter impe-
trauit. Præfaga nimirum sunt pietatis artes. Nam quasi
præficeret, qua parte periclitaturus esset, ita & iconem il-
lam oleo perfusam, recenti in Diuam amore atque stu-
dio, quasi es triplex interiori tunica abstram gestare co-
pit; & prius nudatum pectus eodem liquore, tanquam
ad palastram, animosè perunxit.

¶ Nec frustrata est spes Walpurgæ. Ita enim ossa oleo
delibuta indurauit, vt in quemuis casum durarent; eu-
lusque vitam dissipari noluit; eius nec ossa violarentur.

¶ Accidit fortè vt proximo Luna die, qui secundus
Martij erat, Eichstadio digressus, Donauverdam peteret,
inter ceteram cursorum turbam Dominum comitatus:
mediam omnino iam horam pone carpentum ad ambu-
lando consumserat, cum in eo loco, quem à sicu Profun-
dam Vallem nominant incolæ, obuium habet aurigam,
cuius plaustrum vino onustū totas pene vallis angustias

obtenebat. Hic Ioannes dum de via cedere, & in sublimiorem collem euadere cogitat (nec enim fuga facilis erat iuram repentino casu) subita euerſi totius plauſtri ruina occupatur. Et quanquam vix ſpaciū erat, magnis tamen vocibus *IESVM* ingeminat, opemque magnæ virginis implorat. Erant quanto breuioreſ eæ preceſ, tanto magis ſeriat. Vix clamor precantiſ audiri cœperat, cum mox ſep terror, ſeu quod crēditur procliuſ uſeſt, ipſa plauſtri moles de ſuper incumbenſ vna & hominem & vocem oppreſſit. Viginti hominum facile aſerant hi omneſ, alter altero citiſ aduolare, & curſum erigere allaborant. Fruſtra ſunt omneſ: nimio pondere conatū vincentē, hūmi perſenerat plauſtrum, & ſub plauſtro obrutiſſimo ſimiliſ elinguiſ Ioanneſ. Veſteſ expediunt, trochleam admovent, ac tandem ſumma vi dolia plauſtrumque ſuper rotas reſtitunt. Quartam adeo ſam horæ partem Ioanneſ vino (ſed ſobrie) ſepultuſ iacuenat, poſtquam extrahendi illi uſ facultat eſt data: *olēguqlēVV. dē mēpōktē*

Sed & poſtquam moli ſubtractuſ eſt mediā planā horā tenuit, qua nulli uſ vitæ aut animæ veſtigiū oſtendit. Conclamat uſ erat à circumſtantibuſ, & iam de humando cogitauerant, niſi priuſ in aurigam animaduſterre placuiſſet. Iſ nimirum cum ad necem poſtulare eum, vox Ioanni eſt redditā, qua aurigam immanem culpæ pronunciarer, liberūque mitti flagitarer. Ad hæc ſe præſidio Virginis Mariæ ſanctæque Walpurgæ præſenti non iam vitæ periculo, ſed mori ſubductum eſſe, quæ niſi in ultimo diſcrimine ſuccuriſſent, iam ſe ſe non modò ad plureſ, ſed & in plura arbiturum fuiſſet. Enimuerò caſu periculi pleniffimo ſuneſtiſſimoque, à quo humana vi ſaluſ abire nequaquam potuiſſet, in memoriā ſibi quā

mōlō

H 2

pri-

primum reduktas esse, quas nuper de S. Walpurga conce-
pisset animo cogitationes. Hunc fauorem gratiamque à
præpotenti Deo, Augustissima Virgine Maria, ad cuius
Laureatam sedem hoc ipso die, anno proximo præteri-
to inuississet, denique à D. Walpurga, cuius ante oleo,
(quod secum gesserat) pectus armauisset, haud dubie pro-
fectam esse.

Post hæc agere quo impositus, & Eichstadium redu-
ktus est. Ibi in hospitio & lecto cum haud exiguos pecto-
ris percussus cruciatus persentisceret, magnosque sangui-
nis globos ex ore eijceret, oleum sacrum D. VValpurgæ,
quod adhuc & ipsum una cum vase, sibi integrè consta-
bat, poposcit. Porrectum est. Etiamnum præcordia pen-
dente digito inungebat, & iam dolor omnis euauuerat,
sed & vires pristinae redierant. Quare sanus ac valens
V. Nonas Martij ad S. VValpurgæ, rem sacram inibi in-
gratiarum actionem procuraturus, accessit; semperque
se seruum D. VValpurgæ fore statuit, quem VValpurgæ
seruatum voluisset.

Porro ut constaret, rem bona fide narratam esse, ex
Archigrammateo Eichstercensi hoc testimonium illi ac-
tributum: miraculum autem eorum infra nominando-
rum Dominorum chirographo subscriptum subsigna-
tumque est. Eichstadij 8. Idus Martij Anno Chri-
sti M. DC. XX.



Casum ego hunc coram spectavi, biduoque
ante quam hoc accideret, sacra illum ly-
naxi in S. VValpurgæ æde refici vidi.

Ita testor.

Victorius Gilg de Imola Serenissimi Ba-
variarum Ducis Aulicus, & supra memo-
rato Domino de Tylle Supremo Tri-
buno a secretis.

Huic ego quoque rei præsens astiti.

Sic testor.

Ioannes Ludouicus Piessler de VVilthurn
predicti Domini de Tilli ephebus
cubicularius.

Mirum hoc ego ipse non modo spectavi, sed &
Ioannem hunc in ciuitatem comes deduxi.

Ita testor.

Adamus Camerloer, Perill. Domino de
Tilli indignus substitutus.

Biduo autem mihi de peccatis, quàm casus iste, de
quo si hic mentio, contingeret, hone-
stus vir Ioannes Krell confessus est, & po-
stea rursus, vbi sacro S. VValpurgis
VV. Cbe H 3 olco

oleo adiutum sensit, confessione se expiauit, ac SS. communione refecit.

Ita testor.

Ioachimus Megglinus Societatis IESV
Sacerdos.

Honestus vir Ioannes Krell Monacensis 29. Februarij Anno 1620. infra octauam festi S. VValpurgis, quod 25. Februarij celebrari solet, D. VValpurgis Parochiale Templum, eiusque tumbam inuisit, ibidem sacra lynaxi refectus, antrum, ubi è S. VValpurgæ Reliquijs per lapidem suis temporibus destillat limpidißimum oleum, vidit; vrceolum sacro oleo plenum accepit. Redijt ad me altero postquam casus hic enumeratus acciderat, die, qui fuit tertius Martij, casum hunc sanctæque Virginis auxilium exposuit. Eiusdem sacrae Virginis imaginem, quam thoraci versus pectus affixerat, ostēdit, & S. VValpurgis ædem sanus & incolumis gratias acturus reuñit.

Ita testor.

M. Georgius Brunner Parochus

ad D. VValpurgam.

S. Au-

S. Augustinus lib. 22. de ciuit. Dei cap. 8.

Etiam nunc sunt miracula in eius (Christi) nomine, siue per Sacramenta eius, siue per orationes vel memorias Sanctorum eius, sed non eadem claritate illustrantur, (cum miraculis in Bibliorum volumine comprehensis) ut tanta, quanta illa gloria diffamantur. Canon quippe sacrarum literarum, quem diffamatum esse oportebat, illa facit ubique recitari, & memoria cunctorum inherere populorum: hec autem ubicumq; sunt, ibi sciuntur, vix à tota ipsa ciuitate, vel quocumq; conuentium loco; nam plerumque etiam ibi paucissimi sciunt, ignorantibus ceteris, maxime si magna sit ciuitas, & quando alibi alijsq; narrantur, non tanta ea commendat auctoritas, ut siue difficultate quamuis Christianis fidelibus à fidelibus indicentur.

INDEX CAPITVM.

- Cap. I. Fluxum liquoris VV alpurginj videri naturalem.
- Cap. II. Liquorem S. VV alpurgis non esse naturalem probatur inde, quia medetur varijs morbis.
- Cap. III. Idem tribus alijs rationibus ostenditur.
- Cap. IV. Liquorem VV alpurginum non esse à naturali causa ostenditur ex eius ad multos annos duratione, limpidissima claritate, & aliunde.
- Cap. V. Exempla aliorum Sanctorum, ex quorum Reliquijs oleum, seu liquor oleosus aut Vnguentosus fluit.
- Cap. VI. Satis sit argumentis initio propositis.
- Cap. VII. Varii genera miraculosi olci.
- Cap. VIII. S. VV alpurga Antuerpiensium Patrona, cum encomio ex Notkero, eiusq; Reliquia VV iteberga in Saxonia.
- Cap. IX. De Reliquijs S. VV illibaldi in pago Iosbassen, una cum particula S. Crucis.
- Cap. X. De aduersarijs S. Bonifacij.
- Appendix recentium quorundam miraculorum quæ Deus per oleum S. VV alpurgis patrauit.



Oleaceus liquor è sacratissimo D. VValpurga corpore, uberrimè de-
stillans, adeo, & origine mirabilis est, & virtute potens, ut eun-
naturalibus effectibus adnumerare, non sit aliud, quam natu-
ra diuinā tribuere virtutē: quod ipsum, quia præsens ab Admo-
dum Reuerendo P. Iacobo Gretsero Soc. IESV Theologo eximio,
explicatus atque defensus fons VValpurginus clarissime demon-
strat, inprimis dignus est, qui editus in lucem, omnibus innotē-
seat; inde namq, non ipsum DEVM solummodo, qui adeo mi-
rabilis est in sanctis suis, verum & B. eius VVarginem VValpurga-
ni dignè venerari addiscent.

ita censto.

LEO MENZELIUS, 95. Theologiae
Doctor, eiusdemque in Academia
Ingolstadiensi Ordinarius
Professor, Procancelarius, hoc
tempore Rector, & Collegii
Theologici Decanus.

